










Д
Т

Тимин 60 Гаспря
ТП-42-2-3

ИЗД
МОС

Проф. Н. М. ФЕДОРОВСКО

04
761

ДРЭ РОЗРОДЫБЭ ПАЛО ТИМИНИТКА МИНЕРАЛЫ ТЭ РУДЫ.

Тимин 60 гаспрэ
ТП-42-2-3

ИЗДАТЕЛЬСТВО НАРКОМТЯЖПРОМО

МОСКВА

1933 г.

1900. N. M. DILLON

THE UNIVERSITY OF MINNESOTA
LIBRARY

1900
JAN 10 1900

UNIVERSITY OF MINNESOTA
LIBRARY

UNIVERSITY OF MINNESOTA
LIBRARY

Цыг.
2-28 Проф. Н. М. ФЕДОРОВСКО

ДРЭ РОЗРОДЫБЭ ПАЛО ТИМИНИТКА МИНЕРАЛЫ ТЭ РУДЫ

Пирильдзия Н. А. Панково

Г.П.Б. в Лнгр.
Ц. 1933 г.
Акт № 416

Инв. № 68

ИЗДАТЕЛЬСТВО НАРКОМТЯЖПРОМО
Москва 1932 г.

Из-во НКТП № 367 ТП 42.2.3. Сдано в набор 29/IX 1932 г. Подписано к печати 13/II 1933 г. Бумага 82×111. Печ. л. 4. Количество знаков в л. 30800. Уполн. Главлита В-24915 Заказ № 1434 Тираж 600 экз.

17-я фабр. нац. книги ОГИЗ'а РСФСР треста «Полиграфкнига»
Москва, Шлюзовая наб., д. № 10.

АНГЛАТУНО ЛАВ.

Барвалыпэна дрэ амаро Союзо барэ и разна ёнэ, сыр ни дрэ екх стро́на, нэ «амэ набут, жыко ладжияпэн набут джинас пэскири стро́на» (Куйбышэво) амэ жыко ададывэс инке на откэрдям барэ сырьёва миштыпэна, савэ сы затходэ дрэ амарэ пхувья.

Амэндэ жыко ададывэс инке нанэ пхэрдэ союзоскири и геологическо патрин (геология — сыкляибэ вашэ пхув). А бипатринякиро нашты шукир и чячепныткэс тэ лыдыжэ геолого-розродыбнытко буты. Амэндэ злыно прэ патрин 5 миллионы 660 тысенцы квадратна километры, а треби сыс тэ злэс 21 миллионо 300 тысенцы квадратна километры. Ангил геологорозродыбнытка организациы тэрдо баро ударно задэибэ тэ злэс инке 15 миллионы квадратна километры.

Амэ акана тэрдэ сам ангил адасаво факто, со дрэ втора пандж бэрша главнонэ-лыджиябнытконэ промышленностякэ лэла тэ на ухтыл сырьё, коли на лэла газдыны и буглякирды геологорозродыбнытко буты.

Пиро подгыныбэ дрэ втора пандж бэрша амэнгэ састыритко руда пиро категория А (эксплоатационно) наухтылла 655 миллионы тонны. Выджяла, со нанэ бут откэрдэ руды. Треби тэ узорьякирэс састырэскиро розродыбэ дрэ Союзо, собы бипиририскирибэ гыя буты прэ калэ металлургическа заводы.

Дрэ цвэтытко металлургия адыкэ-жэ сы наухтылыбэ дрэ сырьё, на дыкхи прэ адава, со на набут амэндэ медна руды. Цинкоскирэ и свинцоскирэ зракхибэна дрэ пхув сы тыкнэ и амэнгэ лэн наухтылла. Амэнгэ треби 8 миллионы 879 тысенцы тонны цынка, а сы лэс 6 миллионы 428 тысенцы тонны. Пиро свинцо: треби 8.868 тысенцы т., а сы лэс 3.322 тыс. т.

Пиро вангар дрэ втора пандж бэрша амэнгэ треби тэ розугалёс вангар 11 миллиарды тонны: 6 миллиарды тонны треби тэ латхэс одолэ числостыр дрэ Донбассо (Дрэ Донбассо сы розугалыно 1 миллиардо пашэса тонны, а треби тэ розугалёс ефта пашэса миллиарды тонны) пиро Кузбассо — пашыл дуй пашэса млрд. т.

Дрэван зоралэс сы рэндо на металическонэ тэло пхувитконэ миштыпнаса. Глины, строительна материалы, флюсы. (Флюсы джяна прэ

адава, собы тэ плавинэс руда). Лэн треби дрэван, дрэван бут. Пашыл адава амэнгэ треби тэ облогкхякирэс транспорто и тэ узорьякирэс розродыбэ пашыл ваврэ заводы, собы на сьс адыкэ сыр подьяныпэ Магнитогорсконэ гигантскэ дуратунэ штэтэндыр цэменто, литейно прахо, магнезито, глины и вавир. А адасавэ сыкаибэна амэндэ дрэван бут сы.

Сыкляибэ ваш э пхув и пхувьякирэ барвалыпэна дрэван-жэ ваш цвэтытка металлы наметаллическа барвалыпэна тагаритконэ Росси-ятыр доачьяпэ дрэван набаро. Жыко революция бут наметаллическа пхувьякирэ барвалыпэна влыджинэпэ амэнгэ заграницатыр. Адасавэ проста бара, сыр кварцо и фэлдытко шпато, адыкэ-жэ влыджинэпэ аменгэ ваврэ пхувьендыр.

Нэ революциятыр патрин адая зоралэс парувэлапэ. Дрэ марибэ пало бугло пэскиро хулаибэ собы хулаибэ на сьс дрэ конэскирэ-то пэнты, собы промышленность СССР лыджия пэскиро хулаибэ прэ пэскиро сырьё,—большевистсконэ темпэнца создыны пэскири наме-таллическо промышленность. Адая промышленность набут со хаськир-дя импорто (импорто-влыджиябэ товары заграницытыр) пир адава сырьё, нэ и создела экспорто (вылыджиябэ дрэ заграница).

Сарэ адалэ факты ракирна, со геологорозугалыбнытко буты треби тэ тховэс прэ сама уче ударна темпы. Адава сы тходо и прэ XVI парт'ездо.

Дрэ тхойбэ ЦК ВЛКСМ (11 марто 1932 бэрш) пиро геологорозро-дыбнытка бутя сьс пхэндло:

«Надыкхи прэ барьинэ дрэ буты пиро геологическо розродыбэн пало последня бэрша (Дрэ 1927—28 б. сьс тходо 500 тысенцы, дрэ 1932 бэрш тходо сьс 300 миллионы састэ), сажэ адалэ бутя сы тэрдэ на учес. Тхойбэ прэ XVI парт'ездэ тэ газдэс дрэ геологорозродыб-нытка бутя адасавэ темпы, собы ёнэ обгыне ангил промышленноста-киро розкхуйбэ, **ЖЫКО АКАНА НА ПРОЛЫДЖИНО.**

Адасавэ рэнды затховэна тэ марэс дрэ кудуни ваш трапайбэн. Би адалэскиро, собы тэ на подгатовинэс сырьёво база, амэ на можынаса тэ розкхувэс соцыалистическо хулаибэ адасавэ темпэнца, савэ амэнгэ треби.

Геологорозродыбнаскэ треби помошшь, сыго рэндытко помошшь.

Сарьякэ бутитконэ обшшественностякэ СССР шукир сы дыкхло, по кицы треби, покицы сы актуально (требимо и куч прэ ададывэсатуно дывэс) задэибэн пиро розродыбнытко буты прэ ададывэс.

И окэ пирдал адава адыкэ активнэс дэша тысенцы бутярен и ману-шэн, савэ сыклёна, откхардэпэ пало Сарэсоюзно исследовательско гыибэ пролетарсконэ туристэнгино. Прэ адава гыибэ ЦС ОПТЭ прик-хардя вэснакиро дрэ 1931 бэрш.

Коли бэрш палэ откэрдэ гыйбэ, обшшественностякиро гыйбэ прэ помошш геологорозродыбнытконэ бутякэ, то амэ удыххьям одова, со геологорозродыбнытка организацин на прилынэ адава радаса. Бут специалистэн-геологэн подгынэ скептически (бипатяибнаскиро): со-жэ можынэла, хай тэ дэл туристо (путешэственнико), ученико дрэ ФЗУ, савэскэ нанэ джиндлы геология и минералогия.

Нэ окэ уральска туристы откэрна нэвэ вангарытка штэты, дрэ саво рикирдяпэ бут углеродо, нэвэ штэты саструнэ рудаса, горнонэ хрусталёса, титано-магнетитэнца. Туристы пиро Сибирь прэ истоки рэкакирэ Катунь латхлэ нэвэ штэты саструнэ рудаса. Дрэ ваврэ районы латхлэ штэты графитоса, сланцоса, алебастраса, известнякоса. Иваново-Вознесенсконэ туристэнца сыс латхнэ нэвэ штэты фосфоритэнца. Бут и длэнго тэ пиригинэс со сы латхло туристэнца. Институты, лаборатории роздыххэна и разугалёна латхло и яндло туристэнца. Окэ со сыс пхэндло пиро уральсконэ туристэнгирэ ОПТЭ отгынбэна.

«Пролетарска туристы кэрдэ бари буты: скэдынэ джиныбэна ваш бэргитка хрустали, а акана лынэ тэ дэн, коли и набарэ, нэ са-жэ тиминитка практическа результаты; прибичядэ сыкаибэна сыкадэ пхэрдэс, со дрэ кой-савэ Уралоскирэ штэты нанэ бэргитка хрустали. Или маршруто «Кушэво-кыновско заводу». Ни дрэ савэ геологическа материалы на-сыс сыкаибэна прэ одова, со одой сы бэргитка хрустали и бичяибэ одорик исследовательско группа сыс выкхардо одолэса, собы адая группа подрикирдя сыкаибэ ваш адава, со дрэ одова районо нанэ бэргитка хрустали. Туристы дрэ адая Уралоскири частэ латхлэ промышленна образчики и адава дья можыма тэ розкхувэс бутя прэ Уралоскиро северо дрэ область палеозоя и кристаллическа сланцы. Адыкэ-пирдал туристэнгири буты геологорозродыбнытка организацин парувэна дыкхибэ прэ обшшественностякири помошш дрэ розродыбэна. Сарэсоюзно геологорозродыбнытконэ трестэнгиро совешшяниё дрэ 1932 б. дэла бари патыв исследовательсконэ гыйбнаскэ, саво кэрлапэ пролетарсконэ туристэнца.

Рэндэ сыкадя, со амэндэ сы инке екх наугиндлы бари зор, сави можно тэ мэкэс прэ закэдыбэ барвалыпэн.

Притырдыпэ обшшественность кэ геологорозродыбнытка бутя,—сы адыкэ-жэ активно буты дрэ соцыалистическэ строительство.

Пролетарсконэ туристэнгиро гыйбэ дрэ 1931 бэрш, сыр пэрво опыто дрэ массово и организованно обшшественно буты, сыкадя, со на дыкхи прэ специалистэнгиро напатяибэ, обшшественность можынэл тэ дэл бут дрэ розгалыбе природна, затходэ дрэ пхув барвалыпэна СССР.

Дрэ адава бэрш шовэмилионно ленинско комсомоло скэдэла Сарэсоюзно геологическо розродыбэ пиро природна барвалыпэна дрэ амаро союзо.

Тов. Куйбышев о пир адава рендо ракирла комсомолскэ:

«Ангил амэндэ уштэла баро задэнбэ дрэ втора пандж бэрша: амэ баигэ тэ угалёс пэскири стро́на, и адава задэнбэ можынэла тэ авэл пролыджины специалистэнгирэ — геологэнгирэ зорьяса, розродыб-нытконэ патриненца, савэ бичявэнапэ научнэ и хулаибнытконэ орга-нэнца. Тэ угалёс еарэ амарэ природна барвалыппэна и сыго нашты би прихарибнаскиро буглэ массы бутяритконэ классостыр и колхозни-кэндыр»...

«Треби тэ выкхарэс камаибэ дрэ миллионы тэрнэ бутярендэ и колхозникэндэ, школьникэндэ и пионерэндэ, туристэндэ и физкуль-турникэндэ, фабзайцэндэ и студентэндэ. Дрэ каждо районо дрэ ама-ри стро́на ласа тэ родас састыр, медь, нефть, вангар, торфо, сырьё ваш химическо промышленность, нэвэ почвы и нэвэ растения».

Дрэ втора пандж бэрша откэраса шэла и тысэнцы нэвэ пхувит-ка запасибэна. Даса нэвэ миллионы тонны сырьё станкэнгэ дрэ втора пандж бэрша.

*Цэнтрально совето дрэ од-во пиро
Пролетарско туризмо и экскурсии (ОПТЭ)*

ВЛЫДЖАИБЭ.

Амари социалистическо промышленность, сави барьёла надыхклэ жыко адава тэмпоса, мангэла ваш пэскиро розкуибэ зоралы сырьёво база. Сырьё амэндэ банго тэ авэл бутыр одолэстыр, со треби ваш индустрия, собы на сыс зарикирибэ пирдал сырьё. Ваш адава треби тэ узорьякирэс минерально сырьёво база и набут адава, нэ и тэ розбуглякирэс ла и тэ розродэс нэвэ рудоминералы.

Амари страна набут розугалыны: адыкэ тэло геологическо розугалыбэ дрэ Сибирь обухтылдо саро прэ саро 10 проценты сари территория. Набут розугалынэ на только дуратунэ штэты, нэ и цэнтрально Союзоскири часть.

Адыкэ сы одолэстыр, со дрэ пхураны Россия бэргитко промышленность на залэлас баро штэто. Страна сыс розмарды прэ тыкнэ гавитка хулаибэна, ёй на джиндя ваш минеральна барвалыпэна, савэ гарадэна тэло пхув.

Отэнчя, коли сыс кэрды бари социалистическо промышленность Советско Союзо тходя ангил пэстэ дрэ саро буглыпэ пучибэ ваш минерально сырьё. Розкхуибэ дрэ пхари индустрия, нэвэ заводы—гиганты мангэна ваш пэскэ бут минерально сырьё.

Научно-исследовательско гыибэ, саво кэрдя обшщество пиро пролетарско туризмо ваш адава, собы тэ стырдэс обшественность прэ помошшь амарэ государствоскэ тэ латхэс нэвэ рудоминералы, можэт бут тэ дэл адай. Адай туристы, нэвэ амарэ бутяритка туристы, псирибнаса дрэ дуратунэ амарэ Союзоскирэ районы, можынэна баро рэндо тэ дэн.

Дрэ капиталистическа государства прэ адасаво рэндо дрэван бут бутякирна, сыр лэн одой кхарна, проспекторы,—ёнэ розродэна руда и куч бара. Проспекторы псирна пиро уче

бэрги, розродэна тэлопхувитка барвалыпэна и пиридэна капиталистэнгэ. Адыкэ дрэ Южно Африка жыко кризисы бутякирдя пашыл 10 тысенцы адасавэн розродыбнарьен. Дрэ откэрдэ штэты ёнэ откэрна кустарна штэты пиро розбутякирибэ или бикнэна капиталистэнгэ.

Амэнгэ дрэ СССР адыкэ жэ треби тэ создэс армия пиро розродыбэ бара, треби тэ создэс помошшникэн дрэ соцыалистическо строительство ваш розбуглякирибэ и узорьякирибэ минерально сырьёво база ваш амари индустрия. Мащкир бутярендэ и крестьянэндэ дрэ бэргитка области и районы СССР чыстэс латхэнапэ родыбнарья пиро бара и руды. Бутэндэ лэндыр сы баро наухтылыбэ дрэ сыкляибэ, нэ сы баро джиныбэ природа, и баро джиныбэ тэ подухтылэс гояса и якхаса паруйбэ и нэвицэна дрэ природа. Барэ откэрибэна пиро пхувитка миштэпына сы кэрдэ адалэ розродыбнарьенца. Адыкэ, пэрва откэрибэна сувнакунэ руды прэ Урало сыс кэрдэ дрэ районо рэка Пышма крестьяниноса гавэстыр Шарташ Екатеринбургсо губ. Ерофёёса Марковонэса. Ёв яндя дрэ Бэргитко канцэлярия кварцо набарэ сувнакунэ котэrorэнца. Изумрудэнгиро откэрибэ сыс кэрдо прэ Урало крестьянэнца. Ёнэ латхлэ лэс дрэ дрэвоскиро корни, саво сыс срадо балвалыса. Дрэ штэто пашыл Верхнетагильско заводу буглэ штэты асбестоса сыс откэрдэ крестьяниноса Софроноса Сайга. Крестьянино Андрее Лобачёво Миассконэ заводостыр шукир джиндя сарэ минералы и лэнгирэ штэты дрэ Ильменска бэрги прэ Южно Урало и пирдал лэстэ минералогическо музей Ильменсконэ бэргэнгиро рикирла пэстэ барэ тиминитка латхэибэна.

Можно бут тэ прилыджяс адасавэ сыкаибэна. Акана пхуранэ розродыбнарьен ачэпэ дрэван набут. Нэ адай ваш кадры нашты тэ ракирэс. Адыкэ-же, сыр и Западоскиро капитализмо, кралитко Россиякиро капитализмо рикирдя пэскирэ бутярен пир адава рэндо сыр писхарен, рикирнас лэн дрэ бокх и на сыклэнса.

Коли амэ скэдаса пэскири соцыалистическо проспекторэнгири армия, амэ бангэ ангил сарэстыр тэ подготовинас

лэн кэ адава рэндо. Ваш адава рэндо сы само мишто дром, — адава пролетарско туризмо. Амэ бангэ туристоскэ-розродыбнарьескэ тэ дас джиныбэ ваш одолэ миштыпэна, савэ треби тэ родэс, тэ высклякирэс тэ кэрэс буты одолэ инструментоса, саво треби дрэ адава рэндо. Дрэ васта туристостэ банго тэ авэл инструмента, саво дэла тэ розугалёл-минералы и бэргитка породы.

Чячэ, бутярря дрэ бэргитка районы, прэ саструнэ, медна асбестова и ваврэ бэргитка и металургическа заводы пирдал пэскири практика дрэван шукар джинэн одолэ руды и минералы, савэ ёнэ дорэсэнэ. Пирдал адава дрэван тиминитка сы экскурсия адасавэн туристэн дрэ районы ваш отродыбэ аналогична (савэ здэна екх про екхэстэ) рудоминералы.

Ваш адава, собы тэ подготвинэс туристос — розродыбнарьес треби пашыл одова со тэ джинэс тэ розгалёс одова или вавир минерало, треби инке тэ джинэс и одова, савэ области дрэ Союзэ сы дрэван куч ваш розродыбэ и со треби тэ розродэс.

Прэ пучибэ, савэ рудэнса и минералэнца треби тэ пхэрдякирэс амарэ скэдыбэна, амэнгэ пхэнэла амари промышленность; латэ каждонэ бэршэса барьёла требима дрэ минерально сырьё. Пашыл адава треби тэ розкэдэс кой савэ ваврэ пучибэна. Амэндэ можынэла тэ авэл бут одова или вавир сырьё, нэ ёнэ лэна на дрэ кофитка штэты, дур одолэ заводэндыр и фабрикэндыр, прэ саво джяла сырьё.

Пашыл руды и минералы, савэ джяна прэ амари промышленность, амэнгэ треби тэ буглякирэс минерально сырьё ваш экспорто (вылыджяибэ дрэ заграница). Адава дэла амэнгэ зор тэ вылыджяс заграницатыр требима машины и аппараты ваш амари учи стройка. Адыкэ и адасавэ минералэнца амэ бангэ тэ джиндлякирэс туристос и тэ сыкавэс савэнца ёнэ бангэ тэ авэн пиро пэскиро миштыпэ.

Амэндэ сы барэ штэты саструнэ рудаса дрэ Магнитогорско, Кузбассо и дрэ ваврэ районы. Сатаки пролыджяибэ пэр-

во панджбэршытко плано и задэибэ пиро второ тховэна требима, собы инке бутыр тэ розбуглякирэс сырьёво база, а адатхыр выджяла требима дрэ инке барыдыр розродыбэ руда, дрэван жэ пашыл вангарытка штэты.

Нэ сыр амэ джинас, екх руда на дэла бугло розкхуибэ металлургиякэ. Адыкэ-жэ сыр и руда, треби ангил сарэстыр наподэибнытка ягакэ глины, магнезито, хромисто састырико и адыкэ дурыдыр. Коли дрэ 1932 бэрш амэ ласа пэскирэ екхэ дрэ СССР магнезитовонэ заводостыр пашыл 400 тысенцы тонны изделия ваш металлургия, то дрэ 1937 бэрш амэнгэ авэла треби лэн дрэ штар молы бутыдыр.

Дыкхно сы, со надыххи прэ пэскири зор, уральска штэты на авэна дрэ зор тэ дэн сарэ металлургическонэ промышленностякэ дрэ Союзо; треби тэ откэрэс нэвэ штэты. Адава можынэна тэ авэн магнезито или-жэ доломиты.

Сыр сы джиндло, доломиты буглэс розчюрдынэ дрэ сарэ бэргитка районы и амэнгэ треби тэ латхэс бутыр миштэ ваш амэнгэ штэты пиро барвалыпэн магнийса.

Коли проблема (пучибэ) ваш сырьё на поддэибнытко ягакэ, дрэван жэ адасавэ глины, лимитировали—сыкадэ пэса промышленностякиро розкхуибэ дрэ 1931 б., то барьякирибнаса выплавка чюгуно и цвэтытка металлы требима дрэ сырьё на поддэибнытко ягакэ барьёла барэ сыгимаса. Амэнгэ треби тэ латхэс прэ Урало и дрэ Сибирь адасавэ глины и собы ёнэ сыс миштэ и собы лэн сыс бут.

Надыххи прэ нэвэ и нэвэ розродыбэна цвэтытконэ металлэнгирэ руды дрэ Казакстано, программа дрэ 1931 бэрш дрэ 140 тысенцы тонны сыс пхарьяса программаса ваш цвэтытко металлургия. Науче, тыкнэ процэнтна медна руды, савэ приавья тэ оббутякирэс, мангэна ваш адава учё и куч оборудованиё. Второ панджбэршытко плано тходя ангил амэндэ пучибэ собы тэ на влыджяс заграницатыр медь и ваврэ цвэтытка металлы и бутыр—тходя тэ вылыджяс цынко дрэ заграница. Адава тховэла требима прэ дрэван бут тэ розбуглякирэс сырьёво база. Розродыбэна на бангэ тэ зарикирэнпэ и тэ сыка-

вэн пэса, саво банго тэ авэл розкхуибэ дрэ промышленность.

Подыкхаса прэ адава, сыр джяла розкхуибэ дрэ дорэсэ-ибэ слюда. Дрэ пэрва пандж бэрша сыс дорэсно жыко-10 тысенцы тонны. Дрэ втора пандж бэрша тховэлапэ тэ до-рэсэс дрэ пандж молы бутыр.

Или дрэван требимо минерало дрэ строительно, резино-во и химическо промышленность — асбесто. Амэ дорэстям дрэ 1931 б. пашыл 100 тысенцы тонны асбесто, прэ 1937 б. дынэ требима прэ лэстэ дрэ 1 миллионо 200 тысенцы тон-ны, — дрэ 12 молы учидыр 1931 бэршэстыр. Дыкхло сы, со треби тэ родэс инке сырьёво база прэ втора пандж бэрша.

Адасави-жэ патрин амэ дыкхаса пиро графито, сера, кварцо, фэлдытко шпато и ваврэ минералы.

Пхэнаса ваш розкхуибэ и розбуглякирибэ дрэ амари сув-накуны промышленность. Сарэсвэтытко кризисо, саво встрин-скирдя капитализмо, подрискирдя кредито и розгиныбэ сувнакаса дрэ саро свэто. Требима амэнгэ машины и апа-раты амэ можынаса тэ кинас пало граница и толькo прэ сув-накай. Соса бутыр амэ дорэсаса сувнакай дрэ пашылатунэ бэрша, одолэса авэла бутыр можыма кэ индустриализация дрэ амари стро́на. Сувнакай сыр самородно-кокоробияныт-ко сувнакай сы джиндло и лэс логкхо тэ розгалёс пиро цвэ-то и удельно вэсо. Амэ камьям бы тэ утховас родыбнарьен-гиро дыкхибэ прэ адасавэ сувнакунэ руды, савэ жыко ака-на нанэ джиндлэ дрэ СССР, нэ сы джиндлэ пало граница. Адасавэ конгломераты (обпхагирды порода; минералы ко-тэрэнца, ёнэ опхандлэ машкир пэстэ цэментоса или соса вав-рэса) дрэ Южно Африка и теллуриста руды дрэ Австралия Колорадо.

Адыкэ пучибэна ваш одова, собы тэ пролы-джяс пэрво панджбэршытко плано и задэи-бэ пиро второ затховэна амэнгэ буглэс и энергично тэ родэс сырьё ваш адава, собы тэ создэс сырьёво база ваш соцыалистиче-ско промышленность СССР.

I. Саво рудоминерально сырьё жыко акана нанэ латхло дрэ союзо или латхло набут.

Оловянно бар. Ангил сарэстыр пхэнаса ваш оловянно бар. Оловянно бар или касситерито сы екх руда вашо олово. Дрэ СССР оловянно бар сы джиндло дрэ Забайкальё, дрэ кварцева жылы, нэ дрэ лэндэ олово латхэлапэ набут: 0,1—0,5%, а вавир моло и тыкныдыр. Дрэ



Диаспоро.



Оловянно бар.

Забайкальё жэ ёв сы джиндло кхэтанэ сувнакунэ розсыпенца, латхно сыс дрэ Шэрлово бэрга пашыл ст. Борзя, пиро Забайкальско саструно дром, дрэ 90 км. прэ Северо-Востоко станциятыр Оловянно. Адалэ бияныпнытка штэты тыкнэ или дрэван чёрорэ. Ваш дорэсэибэ руда треби инке бари буты ангил дорэсэибэ.

Олово дрэван треби ваш страна сыр сплаво ваш припой и адыкэ дурыдыр. Оловянно бар латхэлапэ машкир гранитна бэрги дрэ кварцева и пегматитова жылы, дрэван-жэ дрэ

зальбанды (жылы), частэс кхэтанэ вольфрамитоса, топазо-са, турмалиноса и литиевонэ слюдаса. Олово сы пхаро пиро пэскиро удельно весо и коли розпэрнапэ породы, олово ачелапэ на хаськирдэса, слыджялапэ паняса и одой создэнапэ розсыпи машкир гранитна прахи.

Саросвэтытко дорэсэибэ оловянно бар джяла само баро прэ Малайска розсыпи. Пиро внешнё дыкхибэ Малайска бияныпнытка штэты сы равнинна, чястяса болоты; одой тэло наносы сы прахи, савэ рикирна дрэ пэстэ оловянно бар. Оловянно бар упасёлапэ дрэ тэлатунэ прахоскирэ чясти и дрэ галечнико; дрэ адасавэ штэты металлическо олово дрэ прахо сы 1.3%.

Дорэсэлапэ олово пиро саро парно свэто пашыл 100 и 200 тыс. т.

Оловянно бар сы дрэван логкхо тэ отродэс, коли ёв пэрлапэ дрэ коренна породы пирдал адава, со одолэ вкрапленники, чястэс кристалы буротёмнонэ цвэтоса тхулэ или алмазнонэ блескоса—логкхо сы тэ угалёс. Лэс логкхо тэ спутынэс гематитоса или лолэ састырикоса. Сатаки коли тэ пролыджяс отмардэ минералоса пиро наглазурованно фарфорово пластинка, то гематито дэла ярко вишнёво лолы шпэра и пашыл адава ёв сы ковлыдыр. Чястэс оловянно бар просветинэла пиро край, дрэван-жэ адава сы дрэ отмардо котэр; гематито нанэ прозрачно.

Дрэ розродыбэ оловянна запасибэна треби тэ придыкхэспэ кэ сувнакунэ росчидэпына и тэ кэрэс шпэра ваш ада-лэ учястки. Пашыл адава, коли дорэсэна сувнакай, на придыкхэнапэ кэ шлихи (ачяибэна), дрэ савэ можынэна тэ авэн интересна и требима амэнгэ материалы. Тэ латхэс оловян-но бар можно, гин со, дрэ сарэ сувнакунэ росчибэна дрэ гранитна массивы, а адякэ-жэ дрэ одолэ районы, кай сы пегматитова жилы, или ваврэ лавэнца дрэ сарэ бэргитка районы СССР.

Алюминиево руда—боксито жыко 1932 бэрш амэндэ на сыс алюминиево промышленность и вылыджясас лэс ваврэ стронэндыр, машкир адава алюминий амэнгэ треби дрэ мо-

торостроениё, аэропланостроениё и ваш кхэритка вешши. Алуминиё са буглыдыр и буглыдыр вджяла дрэ амаро джиибэ.

Рудаса ваш алуминиё сы бокситы. Бокситы амэндэ сы дрэ Тихвинско районо, Ленинградско область. Одой амэ тховаса пэскири алуминиево промышленность. Дрэ последняя бэрша бокситова запасибэна сы латхлэ прэ. Урало дрэ Алапаевско районо. Сатаки адалэ руды дрэ адава районо нанэ уче пиро пэскиро савипэн (качество) и адава тховэла ангил амэндэ тэ родэс нэвэ штэты уче бокситэнца. Бокситэнгиро розродыбэ сы дрэван куч ваш амари металлическо промышленность.

Центроса пиро дорэсэибэ боксито сы Франция, Индия и Америка. Пхарэс тэ домэкэс, собы прэ адасави дрэван бари территория, сыр СССР, сави залэла екх шовто свэтоскири чясть, насыс нэвэ штэты адалэ рудаса.

Чячэ, жыко адава планомерна розродыбэна на сыс кэрдэ, машкир адава бокситы дрэван логкхэс тэ спутынэс простонэ глинаса и тэ проджяс мамуй лэндэ. Ёнэ и пиро пэскиро цвэто (лоло, буро, парно) и пиро пэскиро стхойбэ сдэна прэ глина (пхувитка массы, чястэс кхэтаныкирдэ простонэ глинаса). Тэ розгалёс и тэ отличинэс лэн глилатыр можно пирдал одова, со бокситы сы природна панитка глинозёмы и дрэ лэндэ нанэ кремнезёмо. Кремнезёмо сы на мишто ваш алуминиево производство. Пирдал адава боксито ангил банго тэ авэл пропатыкирдо дрэ химическо лаборатория. Рикирибэ кремнезёмо дрэ боксито домэкэлапэ сарэ свэтытконэ техникаса 3 жыко 5 проценты. Одоя руда, сави рикирла дрэ пэстэ кремнезёмо бутыр 5 проценты, сы экономически набут кофитко ваш кэрибэ лэстыр металл. Бокситоскирэ бияныпнытка штэты дрэ Франция и Индия сы машкир гаратунэ известняки. Одой ёнэ латхэнапэ сыр пластообразна линзодыкхибнытка запасибэна и дрэ бут штэты спхандлэ сы карстовонэ явленииенца дрэ известкова массы (выбалвалякирибэ и розморибэ дрэ прогынэ геологическа периоды).

Саросвэтытко бокситоскиро дорэсэибэ сы пашыл 1 млн. т.; рудакири тимин сы 5,5 жыко 3,5 доллары пало тонна; алюминийскири тимин сы пашыл 1 тысенцо сувнакунэ састэ пало тонна.

Интересно районо пиро розродыбэ алюминий сы Южно и Машкиратуно Урало, Закавказьё дрэ область Черноморско побережьё и Туркестано. Одова, со сы латхло боксито дрэ Тихвинско районо Ленинграско область сыкавэла амэнгэ прэ адава, со адасавэ латхэибэна можынэна тэ авэн и дрэ цэнтрально промышленно чясть СССР.

Диаспоро — екхэпанитко алюминийскири шутлыпэ (окись),—адава редко минерало-адякэ жэ можынэла тэ авэл лаче алюминиевонэ рудаса.

Криолито. Кэ алюминиева руды отлыджялапэ и криолито. Криолито бут латхэлапэ дрэ Гренландия, катыр ёв ужэ 50 бэрша розлыджялапэ датчянэнца прэ корабли пиро саро свэто.

Криолито набут одова, со сы кокоро пир пэстэ алюминиево руда, нэ ёв адякэ-жэ дрэван треби дрэ плавка боксито прэ алюминий. Пирдал адава дрэ одолэ строны, кай природно минерало нанэ, лэс кэрна искусственно. Адякэ-жэ и амэ дрэ амаро Советско Союзо кэраса искусственис адава куч минерало.

Пашыл адава, со криолито треби амэнгэ дрэ алюминиево промышленность, ёв адякэ-жэ сы требимо и ваш керамическо промышленность. Ёв адай джяла ваш глазурь и тхудынытко стёкло.

Дрэ Гренландия криолито сы запасино дрэ барэ пхарадыпэна машкир граниты, савэ пиричиндлэ сы нефелиновонэ сиенитэнца; дрэ пегматитова гранитоскирэ жылы сы криолито. Криолито здэла прэ облёденело ив, чистонэ парнэ цвэтоса. Ёв сы на кя зорало, логкхэс пхагирлапэ.

Дрэ СССР. Криолито сыс латхло дрэ Ильменска бэрги сыр минералогическо редкость и бутыр никай на сыс латхло. Треби тэ думинэс, со барэзерниста жылы гранитоскирэ

пашыл нефелинова породы можынэна тэ сыкавэн прэ за-
пасибэна одой адава минерало.

Радиева руды. Кэ радиева руды отлыджялапэ ураново
смоляно руда (сыр сыкавэла лакиро кхарибэ, ёй калэ
цветоса пхарэ удельнонэ весоса и смолянонэ блескоса),
карнотито сы жолтонэ цветоса и монацыто, саво
сы кристаллэнца дрэ бэргитка породы или вторична прахи
дрэ росчибэна. Сы дрэван бут разна радиоактивна минера-
лы, нэ промышленно радиёскиро дорэсэибэ рикирлапэ прэ
трин пиригиндлэ учидыр руды.

Ураново-смоляно руда дрэ Советско союзо нанэ латхлы
адакицы, кицы треби ваш промышленность. Сы джиндлы
набут ла машкир пегматитова жылы дрэ гранитна северыт-
ка массивы (пиро брэго Парно морё).

Дорэсэибэн радиё урановонэ смолкатыр сы дрэ Чехо-
Словакия, дрэ Яхимовска рудники. Адай ёй сы ваврэ мине-
ралэнца, сыр медносерно колчедано, цынково обманка и ва-
врэ. Ураново смолка треби тэ родэс дрэ одолэ рудна жылы,
кай сы пхарэ металлы. Кэ адасавэ области отлыджянапэ ама-
ро Забайкальё, Алтаё, кой савэ Туркестаноскирэ чясти, Ура-
ло и ваврэ районы.

Карнотито — руда, савъятыр дорэсэлапэ радиё и ва-
надиё дрэ Америка. Карнотито сы ванадиёскиро и урано-
скиро кхэтанякирибэ, латхэлапэ адая руда дрэ упратунэ
пхувитконэ цыпакирэ зоны машкир прахитка бара и изве-
стняки.

Амэндэ дрэ союзо бияныпнытка штэты радиевонэ руда-
са сы дрэ Туркестано, пашыл бэрги Ош, катыр и дорэсэла-
пэ радиё (Тюямуюнска рудники). Руда сы запасины дрэ пха-
редэпына машкир известняки.

Радиё буглэс джяла дрэ медицина. Пашыл адава радиё
ваш наука сы баро интересо сыр элементо, савэстэ сы зор
розтховэс элементарно вешшество и тэ вымэкэс татыпэ и
свэто.

Адыкэ-жэ сыр и радиё дрэ элементо торие сы адалэ
жэ савипэна. Торие латхэлапэ дрэ минерало монацыто.

Прэ оббутьякирибэ монацыто кэрды германско радиево промышленность.

Монацыто дрэ промышленно количество сыс латхло дрэ Бразилия, коли кэрдэ одой саструно дром. Дрэ прахо, савэса зачивэнас саструно дром прэ екх учястко латхло сыс 60% монацытова зёрны.

Пашыл радиоактивно ториё дрэ монацыто сы куч элементо — цэриё. Цэриё джяла прэ бут сплавы. Шукир джиндло «кремнё» ваш зажыгалки сы адасаво сплаво цэриё састырэса. Цэриёстыр, кхэтаниякирдэ ториёса, кэрна газова стадорья ваш гасытка фонари. Кислородно кхэтанэибэ машкир адалэ элементы дэна ангил накаливаниё зорало ярко свэто.

Монацытово прахо сыс латхло дрэ Союзо, дрэ Забайкальё дрэ Новотроицка Прииски. Сатаки жыко амарэ дывэса барэ запасибэна сыр дрэ Бразилия на сыс латхлэ. Бразилия дэла пиро саро свэто и бутыр сарэстыр дрэ Германия монацытово прахо. Монацытова прахи угалёнапэ чячюнэ прахостыр пхарэ удельнонэ вэсосу.

Радиоактивна минералы дрэван логкхо тэ угалёс электроскопоса или пирдал фотографическо пластинка. Минерало треби тэ зарискирэс дрэ калы бумага. Соса зоралыдыр минералоскири радиоактивность, одолэстыр тыкныдыр треби времё ваш экспозиция. Экспонякирибэ (вытхоибэ фотографическо пластинка ваш пиридыбэ прэ латэ минералоскиро отпечатко) кэрна $\frac{1}{4}$ мардо, $\frac{1}{2}$ мардо, 1 мардо и бутыдыр. Адалэса угалёна радиоактивно зор дрэ образцы.

Сувнакунэ руды. Сувнакай сы джиндло и дорэсэлапэ сыр дрэ коренна жылы, адякэ и дрэ розсыпна бияныбнытка штэты дрэ Урало и дрэ Сибирь. Поракираса адай ваш одолэ сувнакунэ руды, савэ амэнгэ жыко акана на сыс джиндлэ. Адава теллуриста сувнакунэ кхэтанэибэна. Барэ сувнакунэ рудники Колорадо дрэ Америка и сувнакунэ рудники дрэ Австралия бутякирдэ прэ теллуриста сувнакунэ кхэтанэибэна. Адякэ адалэ кхэтанэибэна нанэ

адасавэ редка минералы, сыр ваш лэнгэ ракирлапэ дрэ сык-
ляибнытка лылваря.

Кэ адалэ сувнакунэ руды отлыджялапэ письменно
руда—сильванито и калаверито. Калаверито
сы кхэтанэибэ теллуру сувнакаса; бутыр адава латхэлапэ
дрэ зерниста агрегаты, пиропэскиро цвэто сы стально-се-
ро, оловянно-парно, бронзово-жолто или серовато-парно.
Сы инке нагиагито-осувнякирдо-теллуристо свинцо; попэр-
лапэ ёв сыр пластинчята массы тёмнонэ-серонэ цвэтоса.
Адава цвэто на дэла рипирибэ ваш сувнакай. Частэс кэ ада-
лэ минералы прикхэтанякирлапэ инке и теллуристо
руп. Ёв сы тёмно цвэтоса и сдэла прэ састырико. Адыкэ
адалэ куч сувнакунэ руды дрэван логкхо сы тэ промэкэс на
только набут сыклэ родоибнаскирэскэ, нэ и сыклэ минера-
логоскэ. Ёнэ сыр-бы гарадэна родыбнытконэ якхэндыр пиропэ-
скиро цвэто и дыкхибэн.

Пиропэ набут образцы адалэ руды сы джидлэ сувнакунэ
лыджяибнытконэ районэндыр дрэ Алтаё и Забайкальё. Лог-
кхэс тэ домэкэс, со ёнэ можынэна тэ попэрэнпэ дрэ буглэ
Сибирска бэргитка районы. Сувнакунэ конгломе-
раты (обпхагирдэ породы разнэ минералэндыр). Инте-
ресно, со 50 % саросвэтытко дорэсэибэ сувнакай сы дрэ
Трансваалё (Южно Африка) сувнакунэ лыджяибнытконэ
конгломератэндыр. Выдыкхэна ёнэ сыр зоралы масса квар-
цэво галька барипнаса сыр пагэнд или барыдыр сыр жмэня.
Ёв сы скхэтанякирдо кремнезёмоса и пиритоса. Сувнакай
латхэлапэ дрэ кремнезёмосернонэ колчеданоса.

Бияныпнытка конгломератэнгирэ штэты дрэ СССР нанэ
латхлэ, нэ конгломератова породы сы дрэ сарэ бэргитка
районы, дрэван жэ дрэ Туркестано. Треби тэ думинэс, со кэ
ёнэ жыко акана на придыкхэнаспэ.

Сувнакунэ лыджяибнытка конгломераты дрэ Трансваалё
тырдэнаспэ гин со прэ 100 км. Пало 40 бэрш дорэсло лэн-
дыр сувнакай бутыр сыр прэ 10 миллиарды састэ и прэ адэ-
кицы инке сы начиладо дрэ конгломератэнгирэ прахи.

Руповэ руды. Руп дорэсэлапэ кхэтанэ свинцоса. Рупри

рибнытко свинцово блеско попэрлапэ дрэ СССР прэ Кавказо, прэ Алтаё, дрэ Казакстано дрэ Забайкальё и дрэ ваврэ районы. Сатаки екх рупови руда, прэ сави кэрдэ пэскири промышленность дрэ пэскирэ бэрша Саксония, Чили и Аргентина, дрэ СССР гин со на попэрласпэ. Кэ адалэ руды отлыджянапэ тёмно-лолэ и светло-лолэ руповэ руды — пираргирито и прустито.

Пираргирито — тёмнонэ лолэ цвэтоса, ковло минерало металлическонэ алмазномэ блескоса. Пиро пэскиро стхоибэ ёв сы кхэтаныкирибэ руп, сурьма и сера, рикирла дрэ пэстэ гин-со 60% руп.

Прустито — Мижэхово (мышьяково) рупови руда светлонэ лолэ цвэтоса, пиро зоралыпэ сы екх пираргиритоса, чыстэс сы кхэтанэ лэса; рикирла 65,5% жужо (чисто) руп.

Дрэ СССР адалэ руды латхнэпэ, нэ дрэван набут сыр минералогическо редкость прэ Алтаё. Латхэибэ лэскиро банго тэ авэл дрэ упралатынэ чясти, дрэ свинцова, руповэ и медна жылы.

Никелева и кобальтова руды. Никелево промышленность лыя тэ создэлпэ дрэ СССР только дрэ само последнё времё коли сыс использиндлэ полиметаллическа халиловска руды и гарниерито. Дрэ Северно-Сибирска траппы (минералы) латхлэ никелёскирэ и колчеданоскирэ примеси. Сатаки дрэ СССР на сыс жыко акана латхлэ барвалэ никелева руды, сыр кэ лав тэ пхэнэс лоло никелево колчедано (купферникелё). Прэ лэскиро оббутьякирибэ сыс кэрды саксонско никелево промышленность. Адава светлонэ медно-лолэ цвэтоскиро минерало металлическонэ блескоса, уче удельномэ вэсосу попэрлапэ дрэ жыльна бияныпнытка штэты кхэтанэ сернистонэ рудэнца. Купферникелё рикирла дрэ пэстэ 44% металл.

Вавир минерало — никелево блеско рикирла 35% никелё. Попэрлапэ ёв или дрэ зерниста агрегаты или сплошно. Ёв рупитко — парно, серо-стальномэ или сероватонэ-калэ цвэтоса.

Кобальтова руды латхэнапэ кхэтанэ никелёса. Лэндыр треби тэ отметькирэс кобальтово блеско. Кристаллы лэскирэ сдэна прэ сернонэ колчеданоскирэ кристаллы. Попэрнапэ ёнэ сыр: сплошна руда, сыр зернисто-шэстоваты агрегаты и вкрапленники. Цвэто лэскиро руповитко-парно лолэ оттенкоса, чястэс рудакиро упралыпэ темно-серонэ цвэтоса и только ангил обпхагирибэ дыкхло чячюно минералоскиро цвэто. Кобальто рикирлапэ дрэ руда 35,4 %, а остално мышьяко и сера.

Шнейсово кобальто (шмальтино) рикирла 28 % кобальто, остально сы мышьяко, латхэлапэ сплошнонэ массэнца, нэ сы джиндлэ адякэ-жэ и кристалы кубическонэ системаса. Цвэто светло-стально, серо, вавир моло пестринаса, а вавир моло прилэла розово оттенко. Латхэлапэ дрэ жылы кхэтанэ мышьяковонэ колчеданоса, руповонэ рудаса, купферникелёса и ваврэнца.

Кобальтоскирэ примеси чясто сы дрэ бура састырики и дыкхло сы, со спхандлэ жылэнгирэ розпэрибнаса, дрэ савэ сы кобальтова минералы. Дрэ выбалвалякирибэ кобальто дэла розова кристаллики, савэ сы дрэ чюче (пустоты) штэты и прэ буронэ састырироскирэ упралыпэ.

Кобальто дрэван треби ваш магнитно сталь и ваш специальна на ржавяшшы стали. Магнитно сталь джяла прэ рариотелеграфо. Жыко акана ёй сус импортно-прилыджясас ваврэ ригендыр (стронэндыр).

Минералы, савэ треби ваш металлоскиро оббутьякирибэ, ваш оббутьякирибэ бар, стекло и ваш бурово рэндо. Алмазо сы само зорало минерало и адалэса ёв сы дрэван требимо дрэ бурово техника. Дрэ розродыбэна миштэ тэлэпхувитка барвалыпэна, дрэван жэ отэнчя коли бутякирна дрэ зоралэ породы, лэнапэ бурова инструменты алмазномэ коронкэнца. Лэнца кэрна скважныны дрэ бэргитка породы. Кэрна туннели дрэ бэрги, чинэна зоралэ бара, шлифинэна зоралэ облицовочна материалы—ваш сафо адава треби алмазо. Пашыл адава алмазо джяла ваш стеклоскиро чиныбэ и дрэ ювелирно рэндо.

СССР кинэла алмазы каждо бэрш прэ на екх миллионо сувнакунэ састэ. Барьипэ дрэ бэргитко промышленность барьякирла адая цыфра. Кинэна алмазо дрэ Бразилия и Южно Африка. Одой алмазэнгирэ кристаллы сыр октаэдры (охтограннико) или бутгранники, а вавир моло и сыр шарообразно форма латхэнапэ дрэ пхарэ магнезиальна породы, савэ кхарнапэ кимберлитэнца (пиро фороскиро лав Кимберлей).

Дрэ СССР пало 200 бэрша сыс лахтло пашыл 220 алмазэнгирэ кристаллы прэ Машкиратуно и Южно Урало. Дрэван интересно Качкарско сувнакунылыджиябнытко область. Ёй пашлы кэ юго станциятыр Миасс Самаро-Златоустовско саструно дром. Интересно, со алмазы дрэ Южно Африка сы кхэтанэ титанистонэ састырико са, гранатоса, оливиноса, хромодиопсидоса и энстатитоса Бияныпнытка алмазэнгирэ штэты сдэна прэ трубки. Дыххло сы адава сыс штэты пир савэ прогыя бари газоскири масса. Адыкэ ваш латхэибэ алмазы сы штэты, кай прогыне газова струи дрэ магма, трубки пегматитовонэ жылэнца, магнезиально порода, перидотиты, нефелинова базальты и адыкэ дурыдыр. Пашыл адава одой банго тэ авэл титанисто састырико, гранато, энстатито и ваврэ магнезиальна минералы.


Алмазо дрэван сдэла прэ бэргитко хрусталё, нэ лэс логкхо можно тэ угалёс пиро кристаллэнгири форма, — бутыр сарэстыр октаэдры (охтогранники) или пиро форма кубическо система и пиро зоралыпэ.

Тэ родэс лэс можно гин-со дрэ сарэ бэргитка области, кай сы вулканическа породы, аналогична (савэ сдэна) прэ южно-африканска кимберлиты и одолэскэ со сы чиндло учидыр ваш алмазы.

Корундо. Корундо сы минерало, саво сы ковлыдыр только алмазостыр. На ж да ко — адава тыкнозернисто корундо, аналогично пиро пэскири зор корундоскэ. Джыла ёв прэ металлоскиро оббутьякирибэ. Металлооббутьякирибнытко промышленность запарувэла лэн вавир моло искус-

ственнoнэ продуктoсa — алундoсa, лioнитoсa, aлoкситoсa и ад. дурыдыр.

Корундо сы джиндло прэ Машкиратуно Урало и дрэ Казакстанo дрэ бияныпныткo штэтo Семиз-Бугу. Адай лэс сы дрэван бут. Сарэсвэтыткoнэ кофариса пиро наждакo — сы Турция. Греция дорэсэла лэс прэ o. Наксoсe дрэ Срединo морё, а корундо дорэсэла Южно Африка, катыр ёв аналэпэ дрэ САСШ ваш оббутьякирибэ.



Плавиково шпато. Кристаллы.


Корундо сы спхандло магмэнца или глинистонэ сланцэнца и известнякэнца. Кристаллизикирлапэ ёв дрэ бочёнкообразна призмы и логкxo тэ пригалёс лэс машкир ваврэ минералы пиро зоралыпэ.

Минералы ваш оптика и радиотехника. Известково шпато, кальцыто буглэс распространякирдо минерало дрэ известкова бэргитка породы и машкир вулканическа породы.

Сатаки прозрачно известково шпато, саво кхарлапэ дуйтконякирдэ шпатоса или исландскoнэ шпатоса, попэрлапэ дрэван редкэс. Джяла ёв, дрэ буты прэ микроскопы.

Акана сы бокх прэ тарго пиро прозрачно известково шпато, саво анэла Южно Африка и Исландия.

Тэ родэс прозрачно шпато треби дрэ сарэ бэргитка районы, кай сы кальцытова жылы. Ваш оптическа приборы джяла и вавир прозрачно минерало—плавиково шпато или флюорито. Плавиково шпато латхэлапэ амэндэ дрэ Узбеки-



Кварцо (бэргитко хрусталё).

стано—Аурахмато, пашыл Ташкенто, дрэ Сибирь и дрэ Забайкальё, прозрачно жэ дрэван набут, можэт дрэван набут, можэт адава сы одолэстыр, со набут придыкхэнапэ кэ ёв. Сарэсвэтытконэ оптическонэ промышленностякэ наухтылла плавиково шпато; ёв учес тиминякирлапэ палэ граница.

Прозрачно кварцо сыр галька или бэргитконэ хрусталёскирэ кристаллы, джяна дрэ оптика, нэ дрэван тиминитко ваш радиотехника. Прозрачнонэ кварцоскирэ пластинки сы требима ваш каждо аппарата.

Кварцэво галька латхэлапэ дрэ сарэ бэргитка рэкирка фэлды машкир сувнакуно лыджиябнытко прахо, прэ озерэнгирэ брэги, дрэ бэргитка области.

Галька матово серо и только прэ отпхагирибэ можно тэ удыкхэс, со ёв сы прозрачно.

Дрэ СССР пиро Сибирска рэки и ручьи прэ Алтаё, Кавказо и дрэ машкиратуны Азия бангэ тэ авэн барэ запасибэна прозрачно хрусталё сыр галька и сыр кристаллы, нэ адалэ запасибэна сгарадэ природаса и тэ розродэн лынэ только пашыл дуй бэрш одолэскэ палэ. Тэ розродэс кварцэва гальки и прозрачна кристаллы туристоскэ логхыдыр ваврэ минералэндыр. Пашыл адава пхэнаса, со минерало **цынкито** сы цынкоскиро шутлыпэ (окись) лолэ цвэтоса. Цынкито сы само лачё детекторно материалo, жыко акана никай дрэ СССР на със латхло. Цынкито сы спхандло ваврэ цынковонэ и меднонэ рудэнца, латхэлапэ дрэ жыльна бияныпытка штэты.

II. Экспортна минералы

Дрэван баро вниманиё банго тэ авэл обрисино прэ розкхуибэ экспортна отрасли дрэ промышленность. Ёнэ лэна, тэ барьякирэн амарэ валютна (ловэнгирэ) рессурсы и адалэса откэрна нэвэ можыма ваш усыгыдырякирибэ тэмпы пиро стронакири индустриализация.


(Резолюциятыр прэ с'ездо ВКП (б).

Амэ вылыджяса дрэ ваврэ риги (строны) хромово руда, марганцэво руда, магнезито, слюда, платина, азбесто, изумрудо, набут саструны руда и каолино.

Хромисто састырико. Прэ хромисто састырико сы барэ пучибэ прэ сарэсвэтытко тарго и адава пучибэ са барьёла. Сыр сы джиндло, хромо вджяла сыр чясть дрэ наржавяшщэ сталь. Хромоса учякирна металлическо упралыпэ ваш ракхибэ ржавчинатыр, хромо джяла дрэ красочно рэндо, дрэ химическо и цыпитко промышленность. Требима дрэ хромисто састырико адыкэ баро, со латхлы 8 бэрш одолэскэ палэ хромисто руда дрэ Родезия (Африка) лыя сарэ зорьяса тэ разбутякирэлпэ, на дыкхи прэ одова, со ёй сы дрэван дур промышленнонэ центрэндыр.

Амэндэ сы хромистонэ-састыриконэскирэ бияныпнытка штэты прэ Урало, прэ Северно-Кавказо и дрэ Армения.

Хромисто састырико — калы, плотно, пхари руда, запасыны сы машир магнезиальна породы — змеевики, пироксениты. Хромисто састырико отличинэлапэ магнезиальнэ састырикостыр одолэса, со лэстэ нанэ нисави зор прэ магнитно стрелка. Лолэ састырикостыр отличинэлапэ одо-



Хромистонэ састырикоскири жыла платинаса.

лэса, со дэла серо шпэра прэ фарфорово пластинка, буронэ састырикостыр отличинэлапэ адякэ-жэ пиро цвэто.

Азбесто. Азбесто, или бэргитко лёно, — минерало, буглэс джяла дрэ строительно рэндо. Лэскирэ волокностыр адякэ-жэ кхувэна на хачибнытка ткани. Баро пучибэ сы прэ западо. Свэтытконэ тхоибнаскирьенца азбесто сы Канада и Южно Африка.

Дрэ СССР барэ бияныпнытка штэты сы прэ Машкиратуно Урало пашыл Свердловско-Бажэновска азбестова копи.

Азбесто сы спхандло оливинонэ породэнца. Минерало чюрдэлапэ дрэ якха пирдал пэскири волокнисто структура

и пхэрдэс поджяла кэ пэскиро лав «бэргитко лёно». Азбесто-ва волокны на бангэ тэ авэн пхагириппнытконэнца; тимин лэнгири барьёла дыкхи прэ волокнускиро длэнгима. Пашыл Уралоса азбесто попэрлапэ дрэ Бурято-Монгольско республика.

Азбесто латхэлапэ дрэ бут бэргитка районы СССР, нэ интересна ваш промышленность бияныпнытка штэты пока только со прэ Урало (Бажэновско районо).




Азбесто тыкнэволокну с. о.

Магнезито. Магнезито — парно минерало сдэла прэ мраморо. Адава сы углекисло магниё, Магнезито дрэван требимо материало дрэ металлургия. Обхачькирдо магнезито кирпичё и металлургическо порошко вырикирла температура жыко 1700°. Мартеновска бова, кай плавинэлапэ састыр, кэрнапэ адалэ материалостыр. Прэ магнезито сы баро пучибэ прэ саросвэтытко рынок.

Дрэ СССР барэ магнезитова запасибэна сы пашыл станция Сатка прэ Урало и дрэ Халиловско районо, Машкиратуноволжско краё. Бияныпнытка штэты пхэрдэс обеспечи-

нэна пэскирэ требима и экспорто, нэ латхэибэна магнэзи-тэнгирэ дрэ ваврэ районы, дрэван жэ пашылатунэ морёскэ или кэ панитка дрома, узорьякирна амаро экспорто прэ маг-незитово тарго.

Слюда. С л ю д а сы тиминитко эксепортно минерало, са-таки амэ даса прэ экспорто дрэван набут одолэстыр, со лэс наухтылла кокорэнгэ. Прэ экспорто джяла парны слюда, прозрачно санэ листэнца, — кхарлапэ ёй мусковито. Слюда сы гранитоскири стхоибнытко чясть и барэ лакирэ



Азбесто длэнговолокнуто.



Апатито.


кристаллы попэрнапэ одой, кай гранито сы крупнозернисто, само баро дрэ перматитова жылы или контакты. Слюда ти-минякирлапэ пиро прозрачность, однородность и пиро листоскиро барьипэ. Слюдова листы на бангэ тэ авэн помята, бангэ тэ авэн ровна, логкхэс тэ одджян прэ санэ слои. Слюдова листочки бангэ тэ авэн упруга и тэ обкхувэн ангушт би пхарадыпнаскиро. Слюда банги тэ на рикир дрэ пэстэ састыр. Адава требима выкхарлапэ одолэса, со ёй джяла ваш электротехническа приборы и аппараты, сыр изоляторо, а састыр тыкнякирла изоляционность. Лаче слюдакирэ сор-тэндэ сы лоло оттенко, коли тэ дыкхэс лэн прэ свэто.

Слюда попэрлапэ дрэ сарэ бэргитка области, нэ промыш-ленна бияныпнытка штэты сы джиндлэ только дрэ Сибирь,

дрэ районо р. Мама (Северно Байкалоскири чясть). Адава районо сы пало тысенцы километры саструнэ дромэстыр. и сы екхитко дорэсэибнытко цэнтро ваш парны слюда.

Вавир слюдакиро сорто—флогопито, фтористо слюда сы пиро пэскири тимин тыкныдыр, нэ са-жэ ёй джяла прэ экспорто.

Флогопито дорэсэлапэ: дрэ СССР прэ озеро Байкало па-шыл станция Слюдянка. Сатаки лэс амэндэ набут, и розро-дыбэ лэс треби тэ тховэс дрэ сарэ районы СССР.



Слюдакиро-флогопитоскирэ кристалы.

Слюда чястэс путынэна гипсосо, нэ дрэ гипсо нанэ одоя упругость и гипсо ковлыдыр слюдатыр. Слюда спханды вул-каническонэ породэнца или контактовэнца, известняково-нэнца.

Минералы, савэ рикирна дрэ пэстэ фосфоро. Треби тэ пхэнэс, со дрэ Западно Европа нанэ ваш гавитко хулаибэ минерало фосфорито и апатито. Пэрва-бияныпнытка фос-форитоскирэ штэты сы дрэ Франция, дрэ лакирэ северо африканска колонии.

Дрэ СССР сы дрэ барэ количества разна фосфориты, нэ кэ тангипэ адалэ фосфориты сы чёрорэ фосфорнонэ кислотаса: ёнэ рикирна 12, жыко 16% фосфорно кислота, а французска фосфориты 22 жыко 26% ла.

Апатиты сы латхлэ пало последня бэрша дрэ Хибинска массивы дрэ Мурманско краё. Прэ апатитова запасибэна кэрдэ барэ рудники и фабрики. Сатаки уче сортна французска фосфориты сы екх пиро пэскирэ качества прэ саро свэтытко тарго. Дрэван сыс бы куч тэ латхэс дрэ СССР учэ процэнтна фосфориты.



Фосфориты — жёлваки.

Фосфориты отлыджянапэ кэ осадочна породы; родыбэ лэн можно тэ домэкэс дрэ Машкиратуно, Упратуно и Тэлатуно Поволжьё, цэнтрально промышленно область, Приуральё, Сибирь и вав.

Куч бара. Кэ экспортня минералы треби тэ отлыджяс куч бара — изумрудо, аквамарино, аметисто, топазо. Сарэ адалэ бара попэрнапэ прэ Урало и дрэ Сибирь. Сатаки барэ бияныпнытка штэты на пхэрдэс инке откэрдэ.

Озокерито. Озокерито или бэргитко мом поэрлапэ машкир известнякова и песчаникоскирэ пхарадыпына сыр жолто и тёмно момитко масса. Озокерито сы пэстыр нефтякиро паруйбэ и чыстэс сы спхандло нефтякирэ бияныпнытконэ штэтэнца. Джяла ёв ваш кэрибэ накиндыпнытка ткани, ваш электроизоляции, а адякэ-жэ запарувэла

бырлынытко мом. Барэ бияныпнытка штэты сы джидлэ толькo дрэ Галицыя (кэ Бориславо). Адава минерало рикир-ла баро экспортно эначений. Амэ дорэсаса озокерито прэ



Топазо



Аквамарино.

острово Челекено (Кайсписко морё) кай ёв сы дрэ прахи, и дрэ Шор-Су, пашыл Кокандо,—адай ёв латхэлапэ дрэ известнякоскирэ пхарадэпына.

Озокерито — ковло минерало, хачёла, битуминозномэ кхадыпнаса.

III. Минералы и руды, савэ треби ваш оборона.


«Амарэ первонэ и барэ задэибнаса сы тэ зорь-якирэс розкхуибэ дрэ одоя промышленность, сави газдэла учес оборонакири зор дрэ советско союзо.

Резолюциятыр прэ XVI С.ездэ ВКП (б)

Ангил сарэстыр треби тэ отметинэс, со састырэскири и цвэтытконэ металлэнгири руды сы дрэван куч дрэ стро-на-кири оборона. Адалэ металлэндыр кэрнапэ основна чясти

ваш армиякиро вооружений. Адалэстыр каждо баро латхэи-бэ адалэ руды газдэна оборонно зор дрэ риг (строна). Пашыл цвэтытка металлы амэ поракираса адай и ваш рудо-минералы, савэ сы куч ваш оборона.

Свинцово блеско. Кэ цвэтытка металлы ангил сарэстыр отлыджялапэ свинцово блеско, савэстыр выплавинэ-лапэ свинцо. Би свинцоскиро нашты тэ кэрэс аккумуляторо, саво сы дрэван требимо ваш автотранспорто, ваш тэлопа-



Галенито.



Молибденито.

нитка лодки и радиотелеграфия. Свинцоскиро сплаво джяла прэ пули и снаряды. Свинцово блеско,—адава сернисто кхэ-танэибэ свинцоса, амэндэ сы прэ Кавказо, дрэ Садонско руднико (Осетия) прэ Алтаё (Риддеровско руднико), дрэ Кара—Мазаро (нэво штэто) дрэ Средне Азия и дрэ Сибирь (Нерчинско краё) свинцово блеско дрэван логкхо тэ отли-чинэс ваврэ рудэндыр. Ёв логкхэс роспхаравэлапэ чёканэса. Дрэ роспхагирипэ дэла кубики и параллелопипеды ярконэ металлическонэ блескоса. Свинцово блеско можно тэ лат-хэс сыр машкир группы метаморфическа породы машкир доломиты, мраморы, сланцы, адыкэ-жэ и сыр рудна жылы пиро гранитна и порфинова пхарадэпына и ваврэ вулкани-ческа породы.

Дрэ сентябрё дрэ 1931 б. слаўтно англійско капіталісты Лесли Уркварт чиндя статья ваш свинцова рэсурсы (сродства) дрэ свэто. Главнэ свинцовэ рудэнгірэ рэзервоса ёв гінэла Аўстраля, кай дрэ бияныпнытка штэты Брокен-Хилл гінэлапэ жыко 30 млн. т. руда.

Ваш СССР ёв чинэла: «Советско Россия на авэла барэ фактороса пиро свинцо».

Советска пролетарска туристы бангэ тэ досыкавэн джіндлэ імпералістоскэ Урквартоскэ нэвэ розродыбнаса свинцова руды, со советско союзо авэла барэ фактороса дрэ свэтытко свинцово промышленность.

Оловянно бар. Сыр амэ чиндям учидыр тэ латхэс оловянно бар сы баро рэндо ваш амари строна.

Ваш оборона сы дрэван куч редка металлы — вольфрам, ванадиё, молибдэно и бериллиё.

Вольфрамо. Вольфрамо сы дрэ минерало вольфрамито. Вольфрамито сы кхэтанэибэ: састыр, марганцо, вольфрамо и кислородо. Вольфрамито сы минерало пегматитовонэ и газаводнэ жылэнгірэ дрэ гранитно магма, попэрлапэ кхэтанэ оловяннэ барэса, фтористонэ слюдаса, топазоса и ваврэ минералэнца пегматитовонэ жылэндыр. Пирдал пэскиро баро удельно вэсо (7,5) вольфрамо, коли розпэрнапэ вольфрамова породы, скопинэлапэ сыр ваврэ молытка россыпна бияныпнытка штэты и частэс сы спхандло россыпнэ сувнакаса.

Режэ попэрлапэ парно вольфрамово минерало шээлито. Адава сы кхэтанэибэ кальцыё, вольфрамо и кислородо. Шээлито попэрлапэ кхэтанэ вольфрамитоса и дрэ рудна жылы.

Молибденово блеско. Молибденово блеско, савэстыр выделінэна тиминитко элементо-молибдено. Молибденово блеско минерало серо-стальнэ цветоскиро, запасёла сыр оторочко примазки, сыр кристаллы дрэ кварцэва жылы дрэ гранитна массивы. Молибденово блеско пиро лэскирэ

савипэна можно тэ спутынэс только графитоса; ёв адыкэ-жэ ковло и чинэла прэ бумага, нэ графитостыр отличинэлапэ одолэса, со лэскиро кристаллическо стхойбэ сы адасаво, со ёв дрэван логкхо розделинэлапэ прэ санэ пластинки, дрэ адава моло сыр графито кристаллически сы пэстыр зернисто чешуйкакири смесь. Молибденово блеско сы джидло дрэ Восточно Сибирь. Нагара молибденово блеско сы лагхло прэ Кавказо и дрэ Машкиратуны Азия. Одолэстыр, со дрэ минерало сы уче рикирибэ молибдено и одолэстыр со лэс логкхо тэ оббутьякирэс молибдено даже дрэ набарэ жылы рикирла бари тимин дрэ промышленность.

Ванадиё. Ванадиё — дрэван требимо элементо ваш уче сортна стали, латхэлапэ дрэ минерало ванадинито; дрэ упратунэ чясти дрэ свинцова бияныпнытка штэты. Пашыл адава ванадиёскирэ примеси сы джидлэ дрэ радиёво руда, дрэ бура састырики, дрэ вангара и асфальты. Розродыбэ одова минерало, саво рикирла дрэ пэстэ ванадиё, сы дрэван пхаро одолэстыр, со пашыл ванадинито, саво логкхэс тэ отличинэс ваврэ минералэндыр, ванадиё попэрлапэ сыр набарэ примеси дрэ пиригиндлэ минералы. Лэн можно тэ определинэс только пирдал лабораторно роздыкхибэ.

Бериллиё. Элементо бериллиё—само логкхо металл (удельно вэсо 1,7 дрэ адава моло сыр удельно алюминийскиро вэсо 2,7). Пашыл логкхипэ, бериллиё отличинэлапэ алюминийстыр пиро зор и пиро савипэна тэ дэс сплавы барэса техническонэ значениёса. Саро адава затходя саро свето тэ родэс бериллиевонэ рудакирэ за пасибэна.

Минерало берилло—зэлэнэ или буронэ цвэтоса, попэрлапэ ёв дрэ СССР прэ Урало, кай ёв дорэсэлапэ сыр куч бар (аквамарино) морсконэ панякирэ цвэтоса или (изумруддо), дрэ Забайкальё машкир пегматитова жылы дрэ Боршшёвочно кряжо (Нерчинско краё) и прэ Шэрлово бэрга. Прэ изумрудна копи попэрнапэ ачяибэна изумрудоскирэ — на прозрачна и пхарадыпэнца. Ёнэ можынэна тэ джян, сыр бериллиево руда.

Берилло дрэван логкхо тэ отличинэс ваврэ пашылатунэ минералэндыр. Лэскирэ кристаллы сы шовгграннонэ призма-са. Дрэ Южно Африка дрэ пустыня Намакаланд попынэп бериллоскирэ кристаллы барипнаса сыр учё мануш.

Мижэхова руды. Мижэхо (мышьяко) дрэ пэскирэ кхэтанэибэна джяла сыр зорало ядо и сы элементоса дрэ оборо-на. Бут мышьяко дорэсэлапэ ангил оббутьякирибэ медь, свинцо и цынко.

Дрэ природа попэрлапэ минерало, саво сы пэстыр кхэтанэибэ сера и мижэх (мышьяко), сы жолтонэ цвэтоса и лолэ: аурипигменто и реальгар. Сарэ дуй рикирна дрэ пэстэ металлическо мышьяко 60 жыко 70%. Сы пхэрды можыма тэ латхэс прэ Кавказо (Закавказье и Северо Кавказо), дрэ Машкиратуны Азия и дрэ Сибирь. Розродэбына сы пхарэ одолэстыр, со жыко ададывэс амэндэ на сыс мышьяково промышленность и анасас ужэ оббутьякирдэ лона, савэ на дэнас тэ полэс сыр выдыкхэла природно продукто. Аурипигменто жолто, сувнакуно пиро цвэто, а реальгаро—ярко лоло.

Прозрачно кварцо и бэргитко хрусталё. Амэ учидыр ракирдям сыр сы тиминитко прозрачно кварцо и бэргитко хрусталё ваш радиотехника. Зор дрэ амари радиоспхандыпнытко буты сы пластинкэндыр, савэ кэрнапэ прозрачнонэ бэргитконэ хрусталёстыр, саво дэла можыма бутякэ прэ радиостанция дрэ сама пхарэ условия. Пирдал адава латхэибэ прозрачно бэргитко хрусталё скхэлдэ-бы дрэван бари роль. Кристаллы и гальки бэргитконэ хрусталёскирэ бангэ тэ авэн би пхарадэпнаскиро и бангэ тэ авэн адасавэ размероса, собы лэндыр можно сыс тэ вычинэс пластинки 2×4—3×6 см. и бутыр.

Сера кокорибияныпнытко. Сера сы требимо ваш резиново промышленность ангил каучюкоскири вулканизация (придыбэ эластичность и гибкость), сыр стхоибнытко рези-накири чясть.

Кокорибияныпнытко сера-минерало жолтонэ цвэтоса, чястэс попэрлапэ кхэтанэ гипсоса, битумэнца, асфальтоса. Тэ

отличинэс ла ваврэ минералэндыр дрэван логкхэс. Ёй хаче-
ла гытконэндыр синенэ пламёса и зоралэс кхандэла.

Графито элементно. Графито ваш элементно производ-
ство банго тэ авэл жужо (чисто) и свободно састырэскирэ
кремнезёмоскирэ и серакирэ примесендыр. Надыххи прэ
одова, со амэндэ дрэ союзо сы бут графитоскирэ биянып-
нытка штэты, жужо-жэ графито, саво треби ваш элементно
промышленность, амэндэ коли сы, то только прэ Украина
дрэ районо пхурано Крымо. Машкир адава электрическонэ
батареенгиро и ваврэ изделиенгиро кэрибэ графитостыр,
дрэван-жэ ваш радиотелеграфия кхэлла бари роль ваш ама-
ри промышленность. Прэ элементно производство джяла на-
баро количество графито, саро прэ саро шэла тонны, ада-
лэстыр даже набаро латхэибэ графито барэ жужыпнаса
обезпечинэла адая куч амэнгэ промышленность требимонэ
материалоса.

IV. Тимин рудакирэ или минералоскирэ латхэибнаскэ дрэ районо пашыл роз- кхуибнаса промышленно комбинато.

Тэ латхэс руда или минерало, даже адасаво, саво сы дрэ
баро количество дрэ СССР сы тиминитко пирдал адава со
барьякирла пэса странакирэ минеральна ресурсы. Нэ тимин
латхэибнаскэ газдэлапэ инке географическонэ расположе-
ниестыр ла. Амэндэ сы, кэ лав тэ пхэнэс, прэ дуратуно Се-
веро, прэ Мурмано барэ апатитоскирэ бияныпнытка штэты.
Апатито джяла сыр фэлдэнгиро удобрений. Пиро пэскиро
количество адалэ бияныпнытка штэты дэнас бы лэн прэ са-
ро СССР. Сатаки, коли бы апатитова запасибэна сыс латхлэ
дрэ Машкиратуны Азия или Сибирь, то адава дья баро роз-
кхуибэ гавитко-хулаибнаскирэ культурэнгэ дрэ адалэ об-
ласти, тэ пирильдяс жэ апатиты Мурманостыр пало 6 ты-
сенцы километры дрэ Машкиратуны Азия или Сибирь нанэ
кофитко ваш бут культуры. Адыкэ жэ амэндэ сы барэ маг-
незитоскирэ бияныпнытка штэты прэ Южно Урало, сатаки

коли тэ строинэс металлургическо промышленность прэ Кавказо, то латхэибэ одой магнезиты дья бы бари помошшь дрэ строительство.

Коли амэ рисёваса кэ районно минерально сырьё, амэ дыкхаса, со адай амэнгэ треби инке дополнительна розродыбэна руды и минералы, дыкхи прэ районо, кай сы дрэ лэндэ требима.

Саструны руда и известняко, кварцо, формовочна прахи и вавир.

Ангил сарэстыр треби тэ джинэс комплексо одолэ минеральнонэ сырьёскэ, саво использинэлапэ одолэса или ваврэса амарэ металлургическонэ гигантоса, авэла ли адава гиганто пиро металлооббутьякирибэ, пиро машиностроение или адава авэла металлургическо заводу пиро кало и цвэтытка металлы. Амарэ заводы пиро калэ металлы пашыл саструнэ руды рикирна бут требима дрэ металлургическо известняко, саво тховэлапэ дрэ руда сыр флюсо ваш облогкхьякирибэ плавка. Адалэстыр сы дрэван кучсобы заводу дрэ пэскиро районо латхья техническа миштэ известнякоскирэ или мрамороскирэ сорты.

Адава-жэ отлыджялапэ и кэ кварцо, саво джяла сыр флюсо дрэван ангил медна плавки.

Ангил чюгуноскиро литьё треби формовочна прахи, савэнгэ жыко акана на придэнас тимин и савэ кхэлна бари роль дрэ газдыбэ отливкакиро качество. Пашыл одова треби литейно графито, савэса обчивэна форма ангил отливка.

Адыкэ дрэ районо, кай кэрлапэ баро гиганто пиро калы металлургия, треби тэ отродэс минерально сырьё, саво авэла треби ваш сарэ процэссы. Прэ адава раньше на дыкхлэ и на гиндлэпэ, а адалэстыр создэнаспэ пхаричэна и зарикирибэна.

Цынка и глина. Коли амэндэ сы цынково заводу, саво бутякирла прэ ягитко процэссо, то ваш адасаво заводу керамическо цэхо кхэлла бари роль. Ваш буты би зарикириб-

наскиро амэндэ банги тэ авэл керамическо глина, би савьякиро на можынэла тэ авэл цынкоскири выплавка.

Свинцо и саstrуны руда. Свинцоскири выплавка лыджялапэ причиибнаса кэ ёв саstrуны руда. Би саstrунэ рудакиро—би лимонитоскиро (буро састырико и вав.—нашты тэ тховэс плавка. Пирдал адава дрэ свинцовонэ заводэнгирэ районы сы кофитко тэ отродэс саstrунэ руды. Мэк дажэ адалэ запасибэна лэна на барэ. Адалэ саstrунэ руды поможын-длэ бы заводоскэ тэ кэрэс экономия прэ транспорто и прэ саstrуны руда, сави ваврэс ёв банго тэ лэл дуратунэ штэ-тэндыр.

Наподдэибнытка ягакэ материалы дрэ металлургия. Треби тэ рипирэс со дрэ 1930 бэрш ангил амари риг (строна) тэрдья дрэ саро барипэ пучибэ ваш материалы на поддэибнытка ягакэ дрэ амарэ барэ металлургическа и химическа стройки. Дрэ июлэ 1930 бэрш сыс спецыально тхоибэ ЦК ВКП(б) ваш одова, собы тэ обезпечинэс одоя Уралоскири металлургическо промышленность, сави строинэлапэ, материалэнца, савэ на поддэнапэ ягакэ. Сатаки адава тхоибэ на пролыджялапэ дрэ джиибэн. Дрэ 1931—32 б. амэндэ сы баро надохтылыбэн дрэ адалэ материалы, амэ лэн вылыджяса ваврэ ригэндыр (стронэндыр). Машкир одова пхаро тэ домэкэс, собы прэ Урало, Западно Восточно Сибирь на сыс барэ глинакирэ и кварцытоскирэ запасибэна. Амэнгэ треби дрэ пашылатуно времё тэ издживэс надохтылыбэна дрэ материалы, савэ на поддэнапэ ягакэ и тэ на припрастас кэ ладжяво импорто (прилыджяибэ ваврэ ригэндыр). Пирдал адава сы дрэван куч тэ обдыкхэс бэргитка районы, кай сы амарэ гиганты, собы тэ латхэс на поддэибнытка ягакэ керамическо глина адасави жэ, сави амэндэ сы прэ Украина (чясов-ярска глины, латнинска и воронежска). Адасавэ-жэ глины бангэ тэ авэн и прэ Урало, дрэ Сибирь и прэ Кавказо. Адава жэ отлыджялапэ и кэ динасовы кварцыты.

Каолино. Сырьёстыр, саво на поддэлапэ ягакэ треби тэ отметинэс инке каолино или парны фарфорово глина,

запасибэна савьякирэ амэндэ жыко 50 млн. т. сы прэ Ук-раина.

Каолино джяла прэ изделия, савэ на бангэ тэ поддэнпэ ягакэ, а адякэ-жэ и дрэ бумажно промышленность и дрэ сапунитко рэндо. Каолино банго тэ латхэлпэ и дрэ ваврэ районы СССР, кай сы заводы, ваш савэнгэ требинэлапэ каолино.

1. Калы металлургия

Руды: магнетито, титано-магнетито, лоло састырико, буро састырико, сидерито, глинисто сферосидерито.

Марганцева присадки: псиломелано, пиролюзито.

Минералы, требима ваш кэрибэ металлургическа бова, — кварцыто-динасово; ваш плавильтна чярэ — графито, формовочна прахи, магнезито (доломито) глины, хромито.

Минералы, требима ваш электрометаллургическа процэссы: скаминдытко лон, графито.

Минералы, требима сыр флюсы ангил плавка: известково шпато (сыр известняко, мело, мраморо) кварцо (сыр прахи и прахитка бара), доломиты, фэлдытка шпаты, глина (глиниста сланцы), длавиково шпато, скаминдытко лон (ваш плавка титаны магнезиты).

2. Цвэтытко металлургия

Руды: свинцо, свинцово блеско, цэруссито, цынково обманка, смитсонито, галенито, медьрикирибнытко серно и магнитно колчеданы, медно колчедано, кокорибияныпнытко медь, блекло руда, борнито, малахито, азурито, хризокотла (медяно зэлэнь), куприто, олово, оловянно бар, ртуть и киноварь, глинозёмо, боксито, криолито, каолино, алунито.

Флюсы: кварцо, известняко, мраморо.

Ваш бова и камеры: глина, наподэибнытко ягакэ, каолино, формовочна прахи, тальково бар, графито тигельно, наподэибнытко кислотакэ бэргитка породы, динасова прахи.

3. Минералы требима ваш электропромышленность

Платина, осмисто иридиё, графито, молибденово блеско, тальк, озокерито, слюда парны, слюда — флогопито, мраморо.

4. Химическо промышленность

Красильно рэндо: сера, графито, реальгаро, аурипигменто, пирито, кобальтово блеско, мышьяково колчедано, киноварь, молибденово блеско, кварцы, титанисто састырико, хромито, рутило, пиролюзито, саструны охра, смоляно ураново руда, мусковито, главконито, каолино, лазурево бар, вольфрамито, саструно купоросо, барито, квасцы, малахито, азурито, озокерито, янтарё.

Минералы, требима ваш гавитко хулаибнытко промышленность (удобрения и вав.): главконито, селитры, каинито, сильвино, карналито (калиё) полигалито, фосфорито, известково шпато, гипсо.

Сахаритко производство: известково шпато, стронцыанито, барито, трепело (кизельгуро).

Резиново промышленность: барито, кварцо, сурьма и лакирэ кхэтанэибэна, сера и лакирэ кхэтанэибэ, талько, киноварь.

Писчебумажно производство: сера, каолино, селитра, талько, кварцыто (ваш дефибреры).

5. Металлокэрибнытко промышленность

Алмазо, графито, корундо, наждако, лоло састырико, кварцо, трепело, фэлдытка шпаты, пемза, гранато, бура, селитра.


6. Стэклытко, керамическо, гончярно промышленность

Кварцо (прахо), скаминдытко лон, плавиково шпато, криолито, каолино, глина, фэлдытка шпаты, тальк, селитра, глауберово лон, барито, гипсо, магнезито, известково шпато, пирито.

Адыкэ коли джяна дрэ индустриальна районы дрэ одова или вавир промышленна комбинаты, треби тэ скэдэс джиныбэна ваш одова минерально сырьё, саво треби ваш адалэ



Пирито.



Фелдытко шпатово порфи́ро.

комбинаты. Треби тэ зорьякирэспэ тэ латхэс сырьё пашыл одолэ цэнтры, савэндэ сы дрэ лэндэ требима, собы тэ избавинэспэ прилыджайбнастыр лэс дуратунэ районэндыр.

У. Химическо минерально сырьё

«Съездо гинэла требимаса тэ пролыджяс химизация дрэ сарэ народнонэ хулаибнаскирэ отрасли.

(Резолюциятыр XVI Съездо ВКП (б).)

Основнонэ продуктэнца дрэ химическо промышленность сы шутлыпэ (кислоты) и шшёлочи. Кислотэндыр само тиминитко сы серно, лонды и азотно. Шшёлочендыр—сода и едко натро. Ваш одова, собы тэ кэрэс серно шутлыпэ треби или кокорибияныпнытко сера или серно колчедано. Кокорибияныпнытко сера, сыр амэ ужэ учидыр чиндям, дрэ амаро Союзо на кя ухтылла, ваш производство, дрэ саво ёй джяла, сыр кэ лав тэ пхэнэс, резиново производство и ваврэ.

Отродыбэ барэ серакирэ запасибэна дрэ одоя или вавир область дья-бы розкхуибэ дрэ химическо промышленность создья-бы основа ваш серно шутлыпнаскиро производство.

Серно колчедано. Одрлэстыр, со кокорибияныпнытко сера дрэван редко попэрлапэ рудаса, ваш серно шутлыпэ сы серно колчедано или пирито — кхэтанэибэ сера састырэса. Серно колчедано латхэлапэ дрэ сарэ Союзоскирэ области. Серно колчедано можно тэ латхэс и тэло Москва дрэ тёмна юрска глины жэлвакэнца и машкир сланцы и мраморы прэ Урало, сыр блестящия кубики и дрэ граниты, дрэ гнейсы и дрэ ваврэ бэргитка породы. Адыкэ понабут ёв розчидо дрэ сарэ штэты. Промышленно тимин сернонэ колчеданоскэ можынэла тэ авэл коли сы барэ запасибэна дрэ шэла тысенцы тонны. Пирдал адава дрэ розродэбына треби тэ дыкхэс прэ кичыпэ колчеданнонэ жылакири или линза.

Славутна испанска колчеданы Рио-Тинто тырдэнапэ прэ киломэтры. Дрэ СССР амэндэ сы сернонэ колчеданоскирэ запасибэна прэ Урало. Адава колчедано сы медисто, ёв рикирла жыко 2% медь и джяла прэ медеплавильна заводы. Дрэван куч сыс-бы латхэибэ сернонэ колчеданоскирэ запасибэна прэ Кавказо, дрэ Туркестано и дрэ Сибирь, кай народнонэ хулаибнаскири химизация тховэла требима тэ создэс серно кислотакиро производство.

Лон баруно или самосадочно. Ваш содакиро производство основнонэ химическонэ сырьёса сы баруно лоч и серно колчедано. Пиро лон амэндэ сы барэ бияныпнытка штэты дрэ сарэ районы СССР. Прэ адалэ лонэскирэ запасибэна и кэрлапэ амари бари химическо промышленность. Адыкэ Березниковско заводу строинэлапэ прэ Усольска лонэскирэ источники, Славянска заводы строинэнапэ прэ барэ лонэскирэ выгыибэна дрэ Славянска и адыкэ дурыдыр. Чёরорыдыр лонэскирэ ресурсэнца сы Северо Кавказо, Сибирь и Казакстано.

Природно селитра. Азотнонэ шутлыпнаскиро (кислотакиро) производство сы основано прэ природно селитра. Природно селитра сы стхоибэ азотнонэ шутлэ натриёскирэ лонэстыр или калиё. Сы калийно и натриево селитра. Барэ природнонэ селитракирэ запасибэна и славутна дрэ Чили. Запасибэна адалэ адыкэ барэ, со пандждэша

бэрша чилийско селитра розлыджялапэ пиро саро свѣто прѣ пароходы и жыко акана запасибѣна адалѣ сы пѣрва дрѣ свѣто.

Селитра и натриево и калиево сы цѣстыр пхувитка парнѣ массы, логкхѣс розчивѣнапѣ. Ёнѣ сы вкраплена дрѣ известняки или дрѣ ваврѣ сбѣшѣибытка породы. Ангил татькирибѣ прѣ яг селитра дѣла логкхо взрискирибѣ. Адалѣса ла логкхѣс отличинѣна ваврѣ минералѣндыр.

Озерѣнгирѣ и лагунѣнгирѣ минералы.

Бари тимин ваш химическо промышленность сы дрѣ минералы, савѣ латхѣнапѣ дрѣ вышутимѣ озѣры и лагуны.

Пашыл баруно лон, ваш саво амѣ ужѣ ракирдям, треби тѣ отметинѣс адай ангил сарѣстыр тенардито или бипанитко серношутло натро, и мирабилито—глауберово лон, панитко натриѣскиро сульфато.

Тенардито и мирабилито. Тенардито и мирабилито сы природна сульфаты и сы требима ваш стекольно-керамическо промышленность. Прѣ барѣ природна сульфатова бияныпнытка штѣты можно тѣ создѣс содова предприятия.

Амѣ дрѣ СССР мирабилитоскирѣ запасибѣна ласа дрѣ Карабугазско заливо. Прѣ Карабугазско мирабилито бутякирла северокавказско стекольно заводу «Дагестанские огни».

Тенардито дорѣсѣлапѣ дрѣ Туркменистано (озеро Сун-Су).

Тенардито и мирабилито сы минералы пиро лонѣнгиро типо, кирко-лондо вкусо и розджялапѣ дрѣ паны.

Природно сода. Природно сода—панитко вангашутло натро сыс дыкхлы дрѣ Сибирска озѣра (Петуховска и ваврѣ озѣра дрѣ Западно Сибирь; Доронинско озеро дрѣ Забайкальѣ). Природно сода сы тиминитко продукто. Интересно, со зимакиро, коли озера мразона ёнѣ упрал вымѣкѣна сода сыр парно порошок. Сыс екх времѣ коли ла ваш дорѣсѣибѣ сшулавѣнас лѣдянонѣ упралыпнастыр. Озѣра прикаспийска, западна сибирска, восточна сибирска, казакстанска, крымска и ваврѣ набут обдыкхлѣ сы, машкир одова адаза

сырьё, требимо ваш химическо промышленность дрэ Западно Европа и дрэ Америка дорэсэлапэ озёрэндыр.

Бороскиро кхэтанэибэ. Кэ адава сырьё отлыджянапэ минералы: борацыто, колеманито, природно бура, природно борно шутлыпэ—сарэ адалэ минералы джяна ваш промышленно дорэсэибэ бура и борно шутлыпэ, сави джяла прэ кэрибэ эмаль, дрэ стеклытко промышленность, дрэ медицина и адыкэ дурыдыр. Бияныпнытка штэты жыко акана амэндэ сы'екх—дрэ Крымо, дрэ грезева сопки и ёв ваш промышленность сы на кя интересно.

Прэ дыкхибэ пхарэс тэ определинэс адалэ минералы, бутыр одолэстыр, со ёв сы затходо мэлякирэ пластэнца. Ёв можынёла тэ спределинэлпэ пирдал химическо анализо. Окэ дрэ Тибето и дрэ Италия сы озёра, кай бура сы парнэ кристаллэнца, а борно шутлыпэ сы сыр чешуйчято парны масса, адай лэн логкхэс тэ пригалёс.

Хлористо магниё. Кэ озерна минералы отлыджялапэ адыкэ-жэ и хлористо магниё, сы адыкэ-жэ дрэ рапо (гэнсто лонэскиро растворо) дрэ озёра и сы тиминитко ваш строительно и химическо промышленность. Хлористо магниё дорэсэлапэ амэндэ только дрэ Крымо, нэ бангэ тэ латхэмпэ дрэ ваврэ республики адасавэ озера, савэ рикирдэ дрэ пэстэ хлористо магниё.

Хлористо магниё сы растворённо и тэ розгалёс можно тожэ пирдал анализо.

Латхэлапэ вулканическонэ породэнца.

Пандермито. Треби тэ отметинэс инке интересно минерало—пандермито. Лэскиро стхоибэ сы кальцыестыр, буратыр, кислородостыр и панятыр. Само баро лэскиро бияныпнытко штэто сы джиндло дрэ Тыкны Азия пиро Дарданельска брэги.


Бромо. Бут озёра рикирна дрэ пэстэ, бромисто магниё, саво сы дрэ рапо дрэ растворённо состояниё.

Бромо отлыджялапэ кэ одолэ элементы, савэ дрэван треби ваш химическо промышленность. Пашыл адава прэ сибирска, казакстанска и ваврэ озёра бангэ тэ авэн латхлэ

адасавэ озёра, савэ рикирна дрэ пэстэ бут бромо. Латхэи-бэна адалэ сыс-бы тиминитконэ втхоибнаса дрэ амари химическо промышленность.

VI. Минерально сырьё ваш строительно индустрия

Мергелё. Цэментна заводы ваш кэрибэ цэменто лэна известняки и глина кхэтаниякирна лэн, татькирна и тхиискирна. Нэ дрэ природа сы и естественно цэменто — мергелё, — адава природно кхэтанэибэ глина известнякоса дрэ адасавэ




Ортоклазо

пропорции савэ треби ваш цэментно промышленность. Пиро дыкхибэ цэментно мергелё ни саса на отличинэлапэ вав рэ мергелендыр и только химическо анализо и пробы прэ цэментно заводу определинэна, поджыла ли ёв сыр цэментно сырьё.

Гипсо и ангидрито. Стройиндустриякэ треби гипсо и ангидрито. Адалэ минералы сы серошутло кальцыё, панитко (гипсо) или бипанитко. Лэн логхэс тэ отличинэс вав-

рә минералэндыр пиро ковлыпә (наёса можно тә кәрәс шпәра).

Природно алебастро. Природно алебастро вавир моло парно-розоватовонә цвѣтоса латхѣлапә пиро саро со-юзо (Волга, Северно Двина). Одой, кай сы барә цѣментна заводы, треби тә тховзс розродыбәна гипсы, савә джяна дрә цѣментоскиро кәрибә.



Пегматито.

Трепело. Стройиндустриякә джяла интересно материало трепело (кизельгуро или бѣргитко яржо). Минерало сы жужә (чистонә) кремнезѣмостыр и сы лаче татыпѣнапро-лыджиябнытконә и логкхә строительнонә материалоса. Тре-пело латхѣлапә машкир осадочна породы пиро типо опоко-ва известняки, мергелѣ, глиниста сланцы и ад. дур.

Природна краски. Природна краски кхѣлна бари роль дрә стройматериалѣнгире промышленность и сы пѣс-тыр глиниста састырѣскирѣ окислы лолә и буронә цвѣтоса. Адалә краски кхарнапә охра. Прә кицы бари тимин сы дрә краскаири цвѣты, сыкавѣна французска краски. Ёнә дорѣ-сѣна охра дрә Пиринеи. Адалә краски розджянапә пиро саро свѣто и дрә тагарискирѣ бѣрша бут адалә краски вылыджя-наспә ваврә ригѣндыр (стронѣндыр) дрә пхураны Россия.

Пашыл лолы и жолто охра дрэван треби тэ тховэс дыкхибэ прэ зэлэна краски. Адава сы глина, окрашэно кхэтанэибна-са хромоскирэ, или зэлэна прахи, лэн кхарна г л а в к о н и т о в а п р а х и. Зэлэно краска жыко акана вылыджялапэ ваврэ ригэндыр. Дрэван треби пэскиро сырьё. Зэлэно краска джяла бут прэ саструнэдромитка вагоны сыр зашшитно краска.

Сырьё ваш стэклытко-керамическо промышленность. Ваш стэклытко-керамическонэ промышленностьякирэ комбинаты треби адасаво сырьё: кварцэва прахи, фэлдытко шпато, каолино, плавиково шпато, глауберово лон, гипсо.

Фэлдытко шпато. Ф э л д ы т к о ш п а т о — минерало, саво сы дрэ гранитова породы. Фэлдытко шпато джяла дрэ керамическо промышленность коли ёв сы жужо (чисто). Адалэстыр тиминитка шпаты ваш промышленность одолэ, савэ сы сыр крупна зёрны. Стэклытко-керамическо промышленность дорэсэла фэлдытко шпато прэ Северо СССР, прэ Украина и прэ Урало. Фэлдытко шпато логкхэс пхаравэлапэ прэ котэрора чячюнэ формаса. Сы калийно фэлдытко шпато, сы и натриево. Фэлдытко шпато джяла дрэ шыхта ваш керамикакиро производство. Дрэ одолэ штэты, кай тходо тэ розкхувэс стэклытко-керамическо промышленность, треби тэ тховэс розродыбэ адава минерало.

Каолино. К а о л и н о, ваш саво амэ ракирдя учидыр, сы тиминитко минерало ваш керамическо промышленность. Ёв выдыкхэла парнэ пхувитконэ массаса, сави логкхэс розчивэлапэ. Коли жэ лэс тэ тховэс прэ яг, лэстыр выджяла кудунитко черепко. Каолино можно тэ спутынэс алуניתоса (квасцово бар), бокситоса (парно боксито), мелоса и гипсоса. Сарэ углекислонэ породэндыр (мело) каолино отличинэлапэ одолэса, со ёв на кхэтанякирлапэ лондэ шутлыпнаса, мело-жэ сыгэс выделинэла углекислота, чястэс шыпениёса.

Парно алуניתо дрэ розтатыкирибэ выдичнэла серниста газы характернонэ кхандыпнаса.

Дрэ парно гипсо — зернисто стхоибэн, ёв сы зорало, — на розпэрлапэ дрэ пхувитко масса, сыр адава сы каолиноса.

Парнэ жэ бокситы,—адава сы дрэван редко минерало.

Глауберово лон и плавиково шпато. Глауберово лон и плавиково шпато джяла дрэ стэклытко-керамическо промышленность прэ эмаль. Лэс джяла набут и адалэстыр лэс можно тэ прилыджяс дуратунэ районэндыр.

Асфальто. Асфальто сы кхэтанэйбэ углеродоскиро, кислородоскиро и водородоскиро и ёв можынэла тэ авэл роздыххло сыр природно нефтякиро пирипариубэ. Попэрлапэ ёв сыр вязка и плотна массы калэ цвэтоса, характернонэ кхандыпнаса. Джяла дрэ дромитко и строительно рэндо. Природно асфальто тиминякирлапэ дрэван учидыр искусственнонэ нефтянонэ гудроностыр. Искусственно гудроно ачелапэ нефтякирэ шулаибнастыр и пиритрадыпнастыр. Адалэстыр чястэс ёв рикирла дрэ пэстэ кислотна ачяибэна (нефть шулавэлапэ сернонэ шутлыпнаса). Адалэ ачяибэна хаськирна асфальтово дром, росхала ла.

Асфальто сы джиндло дрэ бут Союзоскирэ чясти, но дрэ набарэ количества.

Барэ асфальтова заводы сы прэ Машкиратуны Волга пашыл Сызрань, кай асфальто дорэсэлапэ битуминознонэ известнякостыр, а адыкэ-жэ пашыл Самара.


VII. Минерально сырьё калэ металлургиякирэ

«Базаса ваш розкхуибэ дрэ машиностроительно, электротехническо, автотранспортно промышленность, а адыкэ-жэ ваш гавитко хулаибнытко машиностроение сы калы и цвэтытко металлургия. Бутыр одолэстыр: розкхуибэ дрэ калы и цвэтытко металлургия определинэла и тэмпы дрэ капитально строительство и тэмпы дрэ розкхуибэ пиро ваврэ отрасли дрэ народно хулаибэ (транспорто, комунально хулаибэ, оборона)». (Резолюциятыр, XVI съездо ВКП(б).

Главнонэ рудэнца прэ састыр сы магнитно састырико, лоло састырико и сидерито, или сыр лэс инке кхарна, шпатово састырико.

Магнитно састырико. Магнитно састырико сы тиминитко руда, дрэ латэ 73,4% састыр, металлическонэ блескоса, калэ цвэтоса и калэ шпэраса. Магнитно састырико дейстинэла прэ компасоскири стрелка. Ёв латхэлапэ машкир вулканическа породы. Барэ бияныпнытка штэты дрэ СССР сы — Кривой Рог (кхэтанэ гематитоса) (гематито — лоло састырико), прэ Урало — бэрга Высокая, Благодать, Магнитно.

Лоло састырико. Лоло састырико, сы састырэскири окись, на кя зорало, рикирла 70% састыр, металлическонэ



Магнетито.




Гематито (лоло састырико).

блескоса, калэ цвэтоса, вишнево-лолэ оттенкоса. Латхэлапэ дрэ барэ кристаллы, машкир вулканическа породы дрэ жылы, дрэ контакты и кристалистическа сланцы. Барэ бияныпнытка штэты дрэ СССР: Кривой Рог и прэ Урало (Северно, Урало), Кутимо.

Буро састырико или лимонито. Буро састырико или лимонито, — панитко састырэскири окись. Рикирла дрэ пэстэ 59,8% састыр, логкхо пиро удельно весо (жыко 4), охражно-жолтонэ цвэтоса, частэс сыр пхувитка натёки. Буро састырико латхэна дрэ упралатунэ зоны, ёв запасёла машкир осадочна бэргитка породы — известняки, сланцы, а вавир моло сыр-бы озёрэнгирэ осадки и латхэнапэ дрэ болоты (болотно руда). Буро састырико — руда логкхи-плавко.

Барэ бияныпнытка штэты лимонитоскирэ дрэ СССР — ЦЧО (Липецка, Тульская руды, Керченска и адякэ дурыдыр). Прэ Урало сы джидлэ пиро учё савипэн (качество) и пиро жу-жыпэ (чистота) Бакальская руды.

Сидерито. Сидерито — углекисло састыр сы пэстыр зернисто, вавир жэ моло сыр-бы мраморно масса. Попэр-напэ вавир моло шаровидна образовани; кхарна лэн гли-нисто сферо-сидерито. Сидеритоскири руда чёрори састырэса, нэ логкхи плавко, попэрлапэ сыр гнездообразна запасибэна дрэ ЦЧО и дрэ кой-савэ рудники прэ Урало.



Лимонито.



Сидерито.

Пашыл адава сидериты сы джидлэ дрэ Кузнецко райо-но пиро рекакирэ брэги Томи.

Сидеритоскири руда дрэван тиминитко, нэ розродыбэна дрэ Союзо гин-со на сыс и одолэстыр, со саструны рудакири плавка амэндэ кэрлапэ прэ магнитно, лоло и буро састырико. Дрэ Европа сы пхэрдэ барэ районы пиро саструныкэриб-нытко промышленность — Штирия, Англия, савэ сы тэрдэ прэ сидеритоскири эксплоатация.

Рудакири тимин ангил сарэстыр определинэлапэ пир одова, кицы сы дрэ латэ састыр. Само тыкны тиминитко руда рикирла дрэ пэстэ 55% састыр, тыкныдыр рикирибэ са-стыр нанэ кофитко тэ розбутякирэс. Адава проценто можы-нэла тэ тыкнякирэлпэ и тэ газдэлпэ, дыкхи прэ штэто. Ваш постройка барэ металлургическа заводы пашыл руда треби

тыкно пиро тимин бовэнгиро хачькирибэ и собы на сыс дур саструно дром. Адыкэ барэ бияныпнытка штэты лолэ састы-рикоса дрэ Вишэрско районо на можынэна тэ авэн лынэ дрэ буты одолэстыр, со сы дурал дромэндыр.

Пашыл адалэса бари роль дрэ саструны руда кхэлна на-лаче прихэтанэибэна, савэндыр само налаци сы сера. Сера тыкнякирла лакири тимин. Рикирибэ дрэ руда сера учидыр 5% кэрла руда би рэндытконоаса. Лэла полыно, сыр учес



Пиролюзито.

тиминякирлапэ на сернисто руда. На шукар, коли руда рикирла дрэ пэстэ фосфоро. Нэ адай томассовсконэ процэссоса (оббутякирибнытко система) амэ можынаса тэ лас пашыл састырэса и фосфорна шлаки, савэ джяна дрэ гавитко хулаибэ.

Марганцэва руды; пиролюзито. Дрэ чюгуноскири плавки притховэна марганцэва руды. Пирдал марганцэва руды получинэлапэ жужо чюгуно, чюгуно очистинэлапэ сератыр. Адалэстыр дрэ районы, кай сы барэ чюгунолитейна заводы, сы дрэван куч тэ латхэс марганцэва руды.

Марганцэвонэ рудэндыр бутыр сарэстыр джяла пиролюзито, — адава сы панитко марганцоскири окись, калэ цвэтоса, латхэлапэ машкир осадочна породы прэ Кавказо, адыкэ-жэ и машкир кремниста сланцы и Яшмы дрэ Южно Урало.

Сыр амэ пхэндям учидыр, барэ металлургическа заводы рикирна бари требима дрэ жужэ (чиста) известняки или мраморы, дрэ доломиты, кварцыты, дрэ формовочна прахи, дрэ литейно графито и дрэ глины, савэ на поддэнапэ ягакэ.

VIII. Минерально сырьё дрэ цвэтыткно металлургия

«Тэ домарэспэ собы выплавка медь, свинцо, цынка алюминий и редка элементы сыс долыджины кэ одолэ размеры, савэ пхэрдэс удовлетвориндлэ бы стро-накиро требима».

Тэзисы кэ Молотовонэскиро и Куйбышевонэскиро доклады прэ XVII Сарэсоюзно партконференция ваш втора Пандж бэрша.

Медно колчедано (халькопирито). Медно колчедано — сы кхэтанэибэ медь, састыр и сера и сы главно медно руда. Латхэлапэ сыр сплосна массы, латунно-жолтонэ цвэтоса, металлическонэ блескоса. Дрэван сдэла прэ серно колчедано, нэ лэс логкхо тэ угалёс пиро твёрдость: сернонэ колчеданоскири твёрдость сы 7, меднонэ—4. Медно колчедано латхэлапэ дрэ глубиннонэ типоскирэ жылы прэ контакты, кхэтанэ пиритоса, галенитоса, сфалеритоса. Жыль-нонэ телоса сы кварцо, барито и кальцыто.

Дрэ упратунэ чясти дрэ пробалвалякирдэ жылы чястэс латхэлапэ самородно медь, медно блеско; медякирэ окислы-куприто, тенорито; углекисло медякиро кхэтанэибэ — малахито и азурито.

Медно колчедано (халькопирито) рикирла 34,5% медь, сатаки дрэ жужыпэ (чистыма) ёв редко попэрлапэ. Жыла меднонэ колчеданоскири дрэ 1 м. зоралыпнаса сыс-бы барэ латхэибнаса. Ада савэ жылы джяна дур дрэ хорипэ (глубина).

Бутыр сарэстыр медь дорэсэлапэ медистонэ пиритонэндыр.

Дрэ медиста пириты сы меднонэ колчеданоскирэ зёрны, вавир моло ёнэ нанэ дыкхлэ простонэ якхаса. Коли дрэ пириты сы 2% медь, то и адава ужэ прилэна лэн сыр техничес-

ко требимо медно руда. Бияныпнытка штэты рикирибнаса медь 5—8—12% гинэнапэ барвалэ бияныпнытконэ штэтэнца. Амэндэ сы запасибэна медистонэ пиритэнца пиро сари полоса, кай сы кристаллическа сланцы прэ Урал-Северно, Машкиратуно и Южно, прэ савэ кэрдэ барэ медна заводы (Богомольско, Калата, Кыштымско).

Медно колчедано сы джиндло дрэ Закавказьё, прэ бияныпнытка штэты лэскирэ тэрдэ заводы: Зангезурско, Аллавердовско, дрэ Сибирь — дрэ Минусинско округо амэндэ адякэ-жэ сы бияныпнытка штэты. Барэ бияныпнытка штэты сы прэ Южно Алтаё — Рудберовска и Зыряновска рудники. Каждо бэрш амэ латхаса нэвэ штэты дрэ Туркестано, дрэ Сибирь, прэ Кавказо, савэндыр дрэван тиминитко бияныпнытко штэто сы дрэ Коунрадо пашыл озеро Балхаш дрэ Казакстано. Сатаки сарэ латхлэ бияныпнытка штэты рикирина тыкнэпроцентна руды. Ада савэ штэты сыр дрэ Африка дрэ Бельгийско Конго (Катанга) рикирибнаса медь 20 жыко 30% (окисна медна руды) барэ линзэнца, амэндэ нанэ инке латхлэ. Нанэ латхлэ и адасавэ штэты сыр американска дрэ Велика Озёры. Одой медь сы спхандлы нэвэ лаваса и выделінэлапэ сыр самородно медь кхэтанэ ваврэ минералэнца дрэ вулканическа области, савэ кхарнапэ цеоли-тэнца. Ада саво типо амэндэ совсем на сыс латхло.

Цынкoвo обманка (сфалеритo). Цынкoвo обманка или сфалеритo сы главно руда ваш дорэсэибэ цынкo и сы кхэтанэибэ цынкo сераса. Адая руда латхэлапэ дрэ сплошна, барэ и тыкнэ зерниста массы, чьстэс тёмнонэ цвэ-тоса састырэстыр; цвэто лакиро светло жыко тёмно цвэто, блеско зорало, металлическо, саво пириджяла дрэ алмазно. Сфалеритo сы спхандло выделениенца хачькирдэ раство-рэнгирэ магмэндыр, пирдал адава латхэлапэ дрэ руднонэ жылэнгирэ области. Ёнэ сы кхэтанэ галенитоса, халькопи-ритоса, баритоса, флюоритоса и сидеритоса. Цынкoвo об-манка рикирла дрэ пэстэ 63% цынкo, сатаки лаче рудаса ги-нэлапэ руда, сави рикирла ужэ на тыкныдыр 7%.

Бияныпнытка штэты сы джиндлэ амэндэ прэ Кавказо — Садонско руднико, дрэ Осетия, кай ёй латхэлапэ кхэтанэ свинцовонэ блескоса, прэ Алтаё — Руддеровско руднико, пре Урало — Калата, дрэ Сибирь — Нерчинско краё и дрэ ваврэ районы СССР. Дрэван барвалэнца сы руды прэ Кавказо и Алтаё.

Свинцово блеско. Свинцово блеско сыс очиндло учидыр.

Киноварь. Ваврэ рудэндыр пиро цвэтытка металлы пхэ-наса ваш киноварь. Киноварь сы пэстыр кхэтаниякирибэ джидо руп (ртуть) и сера, лолэ цвэтоса, рикирла дрэ пэстэ металло жыко 86%. Киноварно руда логкхо тэ отличинэс пиро цвэто. Ёй сы кхэтано пиритоса, сурьмянонэ блескоса и вавир моло реальгароса. Пөпэрлапэ ёй дрэ СССР прэ Украинакиро юго, пашыл ст. Никитовка и дрэ Сибирь, дрэ Нерчинско округо. Нагара сыс латхлэ барэ джидэ рупэскири руды дрэ Узбекистано. Дрэ Сибирь сы джиндлэ пиро рэки, дрэван жэ дрэ Нерчинско округо, киноварна гальки. Сатаки барэ штэты жыко акака нанэ латхлэ ни дрэ Сибирь, ни прэ Урало.

IX. Хачкирибнытко сырьё

«Ваш ковялякирибэ и дурыдыр ваш хаськирибэ де-фицито (наухтылыбэ) дрэ хачкирибнытко материало треби максимально тэ буглякирэс дорэсэнбэн и мэ-кэибэн дрэ буты штэтытко хачкирибэ (торфо, сланцо, штэтытка вангара, природна газы); тэ запарувэс лэнца, кай адава можно, дуратунэ штэтэнгирэ хачкирибнаса». (Резолюциятыр прэ XVI съездо ВКП(б).

Нефть. Не ф т ь сы кхэтанэибэ углеродоскиро водородоса.

Сы логкхэ и пхарэ нефти. Дрэ логкхэ нефти рикирлапэ бут бензино и сы бутыр тиминитка.

Нефть — гэнсто, тхулытко жыдкость тёмнозэлэно цвэ-тоса. Дрэван редкэс пөпэрлапэ светло нефть, сыр кэ лав тэ пхэнэс сураханско — светложолтонэ цвэтоса.

Барэ нефтякирэ запасибэна латхлэ сы дрэ Азербейджано (Баку), прэ Северно Кавказо (Грозный), дрэ Прикаспийско

районо (Эмба) и вав. Сатаки нефтякири тимин адыкэ бари, со кай бы на сыс латхлы ёй, — адава сыс-бы куч латхэибэ.

Нефть дэла лаче макхитка ксила ваш машины. Нефтя-тыр дорэсэлапэ керосино.

Сыр хачкирибнытко сырьё дрэван тиминитка сы: керосино и бензино ваш автомобили, тракторы и ваврэ двигатели андралатунэ хачкирибнаса; м а з у т о джяла прэ хачкирибэ ваш дизели и ваврэ двигатели; г у д р о н о джяла дрэ строительно рэндо и дрэ дромитко рэндо запарувэла асфальто.

Нефть запасёла дрэ осадочна породы дрэ антиклинальна бринды (складки). Адалэ бринды (складки) выдыкхэна сыр куполо, тэло саво нефть тэло баро тасайбэ скэдэлапэ дрэ барэ массы.

Тасайбэ чыстэс вытасавэла нефть пирдал пхарадыпэна дрэ породы аври, кай ёй фаностыр шуtlёла и зашылёла дрэ твёрда массы, кхэтаныкирдэ прахоса. Лэн кхарна «кир».

Нефть логкхэс тэ угалёс пиро кхандыпэ и пиро логкхо хачибэ.

Нефть сы адыкэ тиминытко ваш промышленность, со чыстэс выкхарла военна конфликты и марибэ машкир империалистическа государства; нефтяна бияныпнытка штэты сы набут. Кэ адалэ штэты отлыджялапэ: Аргентина, Северно Америка (Пенсильвания), СССР (Баку), Моссуло (Турция), Северно Персия и кой-кицы тыкнэ бияныпнытка штэты дрэ Румыния и Польша. Треби тэ взрипирэс со саро свэтытко английско нефтяно тресто, дрэ шэро савэстэ тэрдо Детердинго, сы застрельшышкоса, пиро интервенционистка камаибэна прэ СССР пирдал амарэ барэ бияпнытка нефтякирэ штэты.

Баруно вангар. Б а р у н о в а н г а р сы главно хачкирибэ прэ амарэ фабрики, заводы и транспорто. Баруно вангар сы трин группы: антрацыто, баруно вангар и буро вангар.

Антрацыто — блестяшшэ вангар смолистонэ цвэтоса раковиннэ шпэрэнца сы жужо баруно вангар, саво рикирла баро проценто углеродо и сы лачэ хачибнытко материалу.

Баруно вангар — кало, чяшше матово, слоисто.

Бутыр сарэстыр тиминякирлапэ коксово вангар. Ёв дэла, коли лэс протатькирэса, тиминитко хачиибнытко газо и сыр ачяибэн коксо.

Коксо — плотно, ноздревато, кудунитко спэклы масса, джяла сыр хачиибнытко материало ваш металлургическа заводы дрэ плавка саструны руда.

Пашыл коксо и хачиибнытко газо ангил вангарэскиро розтатькирибэ лэнапэ адай тиминитка продукты: бензоно, толуоло, антрацэно, карболово шуглыпэ (кислота), нафталино и ад. дур. Адалэ продукты сы дрэван требима ваш химическо промышленность, дрэван-жэ дрэ красочна (анилинова краски).

Буро вангар. Буро вангар, сыр сыкавэла кокоро кхарибэ, сы пэстыр вангарытко вешшество буронэ цвэтоса тыкнэ рикирибнаса дрэ пэстэ углеродо. Сатаки пирдал пэскири смоляность ёв сы лачё материало ваш химическо промышленность.

Буро вангар чястэс запасёла пхувитконэ массэнца, савэ логкхэс розчивэнапэ. Лэн, ангил сыр тэ мэкэс дрэ дром, кэрна брикетэнца.

Сапропель. Дрэ озеро Балхаш, Селигер и ваврэ чястэс запасёла плотнонэ массаса водоросленгирэ ачяибэна. Адая плотно масса, окрашэнно дрэ разна цвэты — серонэ жыко тёмно, — кхарнапэ сапропель, сы лачё хачиибнытко материало. Сапропели сы набут джиндлэ. Только дрэ последнё времё барэ сапропелёскирэ латхэибэна дрэ Сибирска озёра тходэ пучибэ сыр лэн тэ пользынэс.

Торфо. Торфо буглэс запасёла дрэ цэнтрально и северно чясти РСФСР, а адякэ-жэ прэ Урало и дрэ Сибирь. Торфо сы пэстыр водоросленгирэ и ваврэ болотнэ и озёрнонэ растениенгирэ ачяибэна и джяла сыр хачибэ ваш промышленность, дрэван-жэ дрэ штэтытко. Прэ торфяна болоты тходэ зоралэ электрическа станцыи (Богородско, Шатура тэло Москва и ваврэ).

Хачиибнытка сланцы, — адава бутыр сарэстыр глиниста сланцы, прокхэтаниякирдэ битуминозномэ вешшэствэнца

(нефтяса, смолянонэ вешществэнца, природнонэ керосиноса и ад. дурыд). Ёнэ логкхэс пхаравэнапэ прэ пластинки; зоралэс кхандунэ. Ягатыр хачёна тхувитконэ ягаса.

Хачибнытка газы. Газообразна вещества, сыр кэ лав тэ пхэнэс, углеводородиста, частэс выджяна упрэ прэ пхув пхарадэ штэтэндур, — сы природно хачибнытко газо. Адасавэ газы сы джиндлэ дрэ нефтяна районы, дрэ грязева сопкэн-гирэ районы.

Ёнэ джяна сыр хачибэ и прэ пирикэрибэ дрэ бензино.

Лэскиро хачибэ угалёна пирдал яг. Нэ треби тэ авэс ракхиткэс, треби газо тэ скэдэс дрэ душлы, тэ вымэкэс лэс тэло паны и адай пузырьки, савэ выджяна прэ панякиро упралыпэ, тэ захачькирэс.

Хачибнытка газы чястэс сы скхэтаниякирдэ ваврэ тиминитконэ газэнца, сыр газо. саво рикирла дрэ пэстэ гелиё.

Сыр сы джиндло гелиё пирдал пэскиро логкхима можынэла тэ запарувэл пэса водородо ваш запхэрдякирибэ пэса дирижабли.

Гелиёскиро миштыпэ сы ангил водородо дрэ одова, со гелиё на хачела и адалэса сы битрашаибнытко ваш фаноплаванийё.

Дрэ Америка сы бари гелиево промышленность, сави до-рэсэла гелиё ваш дирижабли природнонэ газэндур.

Природна газы рикирна дрэ пэстэ набут джиндлы область. Угалыпэ газо прэ гелиё и прэ ваврэ элементы можынэла тэ авэл кэрдэ только дрэ лаборатории. Би лабораториякиро можно тэ кэрэс розгалыпэ прэ хачибэ.

Х. Минэралэнгиро штэто пиро лэнгиро происхождениё

Дрэван куч ваш родыбнарьэнгэ-туристэнгэ тэ джинэс одова, машкир савэ бэргитка породы можно тэ латхэс одолэ или вавир минералы.

Минералы, савэ выгынэ одолэстыр, со пхувитко цыпа сыс хаськирды упратунэ паняса (брышындр, осадки), скэдэнапэ дрэ пробалвалкирибнытко зона.

Адай сы дуй пиро дыкхибэ (видо) минералы — минералы пиро механическо выбалвалякирибэ и минералы пиро химическо выбалвалякирибэ.

Кэ пэрва минералы отлыджянапэ прахи, пхарэ минералы сыр магнитно састырико, сувнакунэ прахи, платинова прахи и ад. дур.

Кэ втора минералы, кай пашыл панякири и балвалякири буты прикхэтаниякирнапэ инке углекислотакири и кислородскири буты.

Отдельно тэрдэ минералы, савэ сы виделиндлэ расплавленнонэ магматыр. Адава сы магнитнонэ састырикоскирэ штоки, гранитна породы, хромиста састырики. Кэ адая жэ группа отлыджянапэ пегматитова жылы, — адалэ газова потоки дрэ гранитна магмы. Ваш пегматитова жылы сы характерна барэ кристаллическа минералы дрэ чюче (пуста) штэты и полости, савэ сы кэрдэ газовонэ струенца, фэлдытко шпато слюда, бэргитко хрусталё, топазо и ваврэ.

Пиро пхарадэ штэты, кай сыс вулканическа вычюрдыпэна и кай осадиндлэпэ бэрги, тэлэ пхув газдэнапэ пары и панитка растворы пхарэ металлэнгирэ, савэ оттховэнапэ дрэ адалэ пхарадэ штэты, запхэрдякирнас лэн и кэрнас жылына скэдибэна пхарэ металлэндыр, савэ бутыр сарэстыр сы кхэтаниякирдэ сераса. Сари бари группа сернистонэ минералэнгири — цынково обманка, серно колчедано, свинцово блеско, медно колчедано и ваврэ отлыджянапэ кэ рудна жылы.

Рудна жылы можно тэ розмарэс прэ трин чясти — хорипнытка (глубина), на кя хорипнытка и управлыпнаскирэ жылы. Дрэ управлыпнаскирэ жылы сы прикхэтаниякирибэ минералы серниста и минералы ошутлякирдэ (окислённа). Ваврэс тэ пхэнэс минералы, образованна паняса, сави джяла тэлэ пхувьятыр и паняса, сави джяла упрэстыр и сави лыджяла дрэ пэстэ кислородо и углекислота. Хаськирдэ (разрушенна) серниста минералы хорипнытконэ паняса дэла второ отшутлякирдэ минералэнгири груп-

па дрэ упралыпнаскири зона. Адая схема набут сыкавэла одолэ или ваврэ минералоскири и металlosкири область, дрэ сави можэт тэ авэл латхно ёв.

XI. Кой савэ минералэнгирэ биянып- нытка штэты дрэ СССР

Дрэ СССР сы кой савэ классическа бияныпнытка штэты, кай можно тэ лэс джиныбэ ваш минералы и бэргитка поро-
ды. Амэ сыкаваса главна лэндыр.

1. **Ильменска бэрги.** Пашыл ст. Миасс, Самаро-Златоу-
стовско саstrуно дром, одой сы минералогическо заповед-
нико. Прэ набаро учястко дрэ дэша штарвэнглытка кило-
мэтры сы бутыр 100 разна минералы. Бияныпнытка штэты
адалэ минералэнгирэ розчюрдынэ дрэ бэргитка породы—
нефелинова сиениты, дрэ граниты. Пашыл адасавэ минера-
лы, сыр: корундо, титанисто састырико, фэлдытко шпато,
нефелино, графито, адай сы адасавэ, сыр молибдэново
блеско, берилло, монацыто и ваврэ. Пашыл адава адай сы
лаче образцы калэ и парнэ слюдакирэ, роговонэ обманка-
кирэ, магнитнонэ састырикоскирэ и ваврэ.

2. **Качкарско система.** Кэ юго Миассэндыр сы Качкарско
субвакуны система, одой дрэ россыпи латхэлапэ пегмати-
товонэ жылэнгирэ минералы.

Адая область кхардяпэ «Русская Бразилия» пиро пэскирэ
бияныпнытка штэты, савэ сдэна прэ бразильска. Адай сыс
латхлэ алмазы и акана инке можно тэ латхэс кианиты, проз-
рачно кварцо, розово турмалино (пиро рекакири долина
прэ Самарка и р. Каменка).

3. **Изумрудна копи** надур Свёрдловсконэстыр; дрэ пегма-
титова жылы. Адай амэ удыкхаса берилло, изумрудо, пла-
виково шпато, рутило или двуокись титаноскири, слюдяно
сланцо.

4. **Березовско заводу.** Прэ 13 км. Свёрдловсконэстыр сы
пэстыр типично субвакуны жыла, кай акана можно тэ

удыкхэс сувнакай дрэ кварцыто, свинцово блеско, цэруссито, саструно блеско.

5. Гумешэвско руднико. Дрэ 40—45 км. Свердловсконэ-стыр. Дрэ рудникоскирэ отвалы бут окисна руды — куприто, азурито, малахито, самородно медь, брошантито и ваврэ.

6. Мурзинско районо типично районо пегматитовонэ жылэнца, дрэ савэ латхэнапэ бэргитко хрусталё, тхувитко бэргитко хрусталё, аметисто, турмалино — кало, розово и зелэно, гранато, лепидолито, берилло, топазо, фэлдытка шпаты и ваврэ.

7. Бажэново пашыл Свердловско, — сы азбестова рудники.

8. Кривой Рог, — адава сы бияныпнытко штэто лолэ и магнитнонэ састырикоскиро дрэ кварцыты.

9. Садоно, — цынкова и свинцова руды (дрэ 90 км. Владикавказостыр пиро Военно-осетинско дром). Адай сы шахты и оббутьякирибэ и можно тэ дыкхэс мишты типично рудно жыла руднонэ минералэнца. Адай амэ дыкхаса цынково обманка, свинцово блеско, кварцо, кальцыто, пирито, мижэх кокоро-бияныпнытко.

10. Тюя-Муюнъ. Радиёво бияныпнытко штэто, кэ юго ст. Федченко Среднеазиатско саструно дром. Можно тэ дыкхэс гидротермальна жылы, савэ запхэрдякирна пэса древнекарстова чюче штэты и пешшеры. Адай попэрлапэ Тюямунит—радиёво руда, рудно мраморо, кальцыто, барито-кристаллы и плотно. Надур сы пешшера, учякирды баритоскирэ тхадыпнаса.

11. Чиатуры. Барэ марганцэва бияныпнытка штэты кэ ст. Чиатуры Шарапанско ветка пашыл Кутаисо. Адай можно тэ удыкхэс марганцэво руда и оббутьякирибэ примитивнонэ и уче методоса.

12. Чясово-Ярско бияныпнытко штэты глиэнгирэ, савэ на поддэнапэ ягакэ (Донбассо), пиро ветка Артемовск-Краматорская. Глина запасёла дрэ прахитка глиниста отхонбэна полтавсконэ ярусоскирэ (третично).

Дрэ пласты сы на екх глинакирэ сорты.

Б а л ы к о — прахитко глина дэла пластично материал.

Рядова глины — джяна сыр шамотно материал.

Парны № 5 — парны и логкхэс розовато джяла ваш фаянсово производство.

№ 6 — калэ цветоскири — учес тиминитко, джяла прэ препараты, савэ на бангэ тэ поддэмпэ ягакэ.

Пологи дрэ Мариупольско районо — бияныпнытка каолиноскирэ штэты.

13. Шэрлова бэрга; дрэ 6 км. ст. Борзя, Забайкальско са-струно дром, — газоводно штэто. Попэрлапэ аквамарино, берилло, висмутино вольфрамито, мулувитко бар.

14. Хибины кэ ст. Хибины, Мурманско са-струно дром. Апатитово руднико оборудованно пиро последнё нэви техника. Минералэндыр попэрнапэ: апатито, нефелино, эгирино и варисавэ куч пхувитка минералы.

Со сы чиндло

Англатуно лав	3
Влыджайбэ	7
I. Саво рудоминерально сырьё жыко акана нанэ латхло дрэ Союзо или латхло набут	12
II. Экспортна минералы	24
III. Минералы и руды, савэ треби ваш оборона	30
IV. Тимир рудакирэ или минералоскирэ латхэибнаскэ дрэ районо па- шыл розхуибнаса промышленно комбинато	35
V. Химическо минерально сырьё	40
VI. Минерально сырьё ваш строительно индустрия	44
VII. Минерально сырьё калэ металлургиякирэ	47
VIII. Минерально сырьё дрэ швэтытко металлургия	51
IX. Хачкирибнытко сырьё	53
X. Минералэнгиро штэто пиро лэнгиро происхождение	56
XI. Кой савэ минералэнгирэ бияныпнытка штэты дрэ СССР	58

Выгынэ лылваря прэ романо чиб:

СТАЛИНО И. В. — Ваш тэхника. Тимин 35 гаспря.

ВИНОГРАДО, В. — Днепровско гидроэлектростанция.
Тимин 35 гаспря.

ЯКУНЧИКОВО — Плотнико бутяристыр. Тимин 15 гаспря.

НЕЧЯЕВО, И. — Ракх метало ржавчинатыр.
Тимин 15 гаспря.

ЛЕОНТОВИЧ, А. — Лужэніё, паяніё и кэрибэ састырэ-
стыр. Тимин 20 гаспря.


Сыгэс выджяна лылваря

АНДРЕЕВО — Вешшество дрэ природа и тэхника.

ФРИДМАНО — Прэ со пхув рикирлапэ. Тимин 30 гаспря.

Тэ вычинэс адалэ лылваря можно банзэндыр дрэ пэскирэ
форья и Москватыр, „Дом интернациональной книги“,
улица Горького № 51.

Ваш зачиныьэна



100-1

THE
LIBRARY OF THE
CONGRESS
WASHINGTON, D. C. 20540

NO. 100-1

100-1
NO. 100-1





Проф. Н. М. ФЕДСРОВСКИЙ
**В ПОИСКИ ЗА ЦЕННЫМИ
МИНЕРАЛАМИ И РУДАМИ**

Перевод Н. А. Панкова

На цыганском языке

ИЗДАТЕЛЬСТВО НАРКОМТЯЖПРОМА, БЮРО НАЦТЕХЛИТЕРАТУРЫ
Москва, пл. Ногинз, Деловой Двор





	Цыг.
	2-28